

鐘祥縣志

熊道琛署

二
鐘祥縣志

熊道琛署

鐘祥縣志

熊道琛署

中華民國二十六年
二月刊於首都



中華民國二十六年
二月刊於首都

舉俾留心計政者有所考焉

民田 原額民田四千四百六十二頃五十五畝八分六厘上田每畝科米八合中田每

畝科秋糧九合六勺八抄下田台陂等里每畝科秋糧六合望馬等里每畝科秋糧四合九勺共科秋糧米三千七百三十六石壹斗四升二合一勺二抄

原額民地八千七百零八頃三十五畝八分九厘台陂等里上地每畝科秋糧二合九勺二抄科夏稅小麥四合九勺望馬等里上地每畝科秋糧八合台陂等里中地每畝科秋糧二合八勺科夏稅小麥四合二勺望馬等里中地每畝科秋糧六合一勺七抄台陂等里下地每畝科秋糧一合七勺七抄科夏稅小麥三合三抄望馬等里下地每畝科秋糧二合八勺科夏稅大麥二勺二抄又台陂等里山鄉地每畝科夏稅小麥一合七勺望馬等里水鄉地每畝科夏稅大麥六合一勺八抄共科秋糧米二千四百九十四石一斗七升七合六勺八抄科夏稅小麥一千七百二十八石零二升四合零八抄科大麥七百九十九石二斗零九合三勺

九抄

原額民山一百一十五頃零三畝五分三厘每畝科夏稅小麥一合六勺共科一十八石四斗零五合六勺四抄

原額民塘一千零四十九頃七十七畝四分一厘台陂等里塘每畝科秋糧六勺八抄望馬等里塘每畝科秋糧六合九抄共科秋糧米七十二石四斗三升四合四勺一抄

以上田地山塘共一萬四千三百三十五頃七十二畝六分九厘共科米麥八千八百四十八石三斗九升三合三勺二抄內計

秋糧米六千三百零二石七斗五升四合二勺一抄每米一石折銀一兩五錢五分七厘零共應征銀九千七百七十三兩二錢三分一厘有奇

小麥一千七百四十六石四斗二升九合七勺二抄每石派銀照前則例共應征銀二千七百零八兩三錢零一厘有奇

大麥七百九十九石二斗零九合三勺每大麥二石折米一石派銀照前則例共
應征銀六百一十九兩六錢九分二厘有奇

帶科夏稅絲 望馬等里下田每糧一石科絲五厘四絲五忽零又水鄉地每石科
絲九厘三毫四絲零民塘每石科絲五厘四絲四忽零民山每畝

絲八忽零 共絲二觔十兩六錢一分三厘

帶科桑絲 望馬等里下田每糧一石科絲五分四厘八毫九絲四忽零又水鄉地
每石科絲一分一毫五絲九忽零民塘每石科絲五分四厘八毫九絲

九忽零民山每畝
科絲八絲七忽零 共絲二十八觔十五兩四錢四分六厘四毫

民糧代辦福租銀正費銀七兩二錢二分九厘有奇

清順治九年照明萬歷中則例加遼餉九厘照糧派征銀三千六百五十四兩九

錢五分八厘

額外坐派紳衿優免銀七百三十七兩三錢三分五厘

又加派鹿皮京絹銀五錢四分八厘

清康熙三十九年加派班匠銀十兩四錢五分有奇於乾隆中歸改地丁條編造

報

原額丁銀二千二百七十兩零三錢九分三厘於清雍正中攤入本邑糧銀內征

收原額二千二百二十六兩九錢四分
分歷經增減截至雍正中如上數

以上各款共實征銀一萬九千七百八十二兩一錢三分七厘有奇

通計民糧 凡二十鄉

臺陂鄉額銀九百九十九兩一錢

花山鄉額銀九百六十六兩五錢二分

時豐鄉額銀一千一百零七兩二錢三分二厘

歲稔鄉額銀一千一百四十五兩三錢九分八厘

新興鄉額銀一千一百十二兩四錢七分二厘

原子鄉額銀九百九十九兩七錢四分七厘

字字鄉額銀八百四十五兩三錢三分二厘

清平鄉額銀七百八十八兩九錢零四厘

城南鄉額銀五百十四兩七錢零六厘

城北鄉額銀九百九十八兩八錢九分二厘

望四鄉額銀一千零九十八兩八錢一分四厘

望六鄉額銀九百九十兩零五錢八分一厘

望七鄉額銀八百六十八兩二錢六分一厘

馬一鄉額銀一千二百二十六兩二錢八分一厘

馬二鄉額銀八百九十六兩八錢五分二厘

馬三鄉額銀九百五十九兩二錢八分

馬四鄉額銀八百四十五兩一錢九分三厘

馬六鄉額銀八百四十八兩二錢五分四厘

馬七鄉額銀八百六十八兩二錢六分一厘

馬八鄉額銀一千一百五十七兩九錢三分

以上共正銀一萬九千七百六十一兩五錢零五厘

正額較前各條所載少列二十兩零六錢三分二厘查舊

志無據留
疑待考

田屯 原額屯田六百零六頃九十一畝三分一厘除荒田一百零七頃三十四畝四分

二厘外成熟屯田實為四百九十九頃五十六畝八分八厘

據同治志康熙雍正
中墾田地一併

在內起科則例田八畝派米一石每畝派米一斗二升五合共實征糧六千二百四

十四石六斗一升五勺四抄每米一石折銀五錢共實征銀三千一百二十二兩

三錢零五厘又清順治十八年安刑廳丈出額外屯田二十七頃五十三畝五分

每畝科糧四升加增屯田一百十石一斗四升每石折銀五錢加增額銀五十五

兩零七分

以上原額并額外加增共實征銀三千一百七十七兩三錢零五厘

通計屯糧

凡二十四百戶曰百戶者明初設安陸衛有指揮有千戶有百戶屯軍分隸於百戶其田與糧即各因其所隸以為名而別識之至今猶沿

其名焉

魏下一百八十七兩三錢五分一厘

李下一百九十三兩三錢六分一厘

湯下六十三兩七錢五分二厘

童下六十五兩七錢一分四厘

徐下一百九十三兩九錢九分六厘

楊下一百二十一兩七錢七分四厘

武下一百三十三兩零九分三厘

蔡下六十九兩一錢五分七厘

劉下一百七十兩零二錢二分

孫下二百三十九兩零九厘

韋下九十九兩九錢三分九厘

馬下八十一兩八錢八分七厘

潘下八十七兩四錢一分七厘

倪下一百七十兩零六錢六分四厘

陳下一百一十九兩八錢七分八厘

姚下六十四兩一錢一分四厘

高下六十九兩九錢零四厘

江下一百零一兩一錢四分

蕭下一百三十二兩零一分

吳下一百五十九兩九錢五分七厘

豆下一百五十六兩九錢九分二厘

王下一百六十三兩二錢七分

關下一百六十九兩五錢二分九厘

朱下一百六十九兩五錢二分九厘

以上共正銀三千一百八十六兩六錢六分八厘

正額較前各條所載多列銀九兩三錢五分七厘查前志無據

留疑待考

官田原額田地七千五百六十八頃二十七畝三分五厘

據詞治志載康熙雍正起科中新墾田地一併在內

則例山田每畝派征銀四分八厘八毫堤內地每畝派租銀二分四厘二毫堤外

地每畝派徵銀二分二厘二毫五絲一忽七微共征銀二萬三千三百零六兩八

錢八分三厘

原額店房七百五十五間四尺一寸基地一百九丈五尺實征銀二百九十五兩

八錢三分二厘

原魚課銀一十五兩三錢正

原柴灘銀九十三兩八錢三分二厘

鐵麻銀九十五兩一錢六分遇閏加銀一兩五錢四分四厘

重... 系... 示... 食貨

原茶園銀一千零九十四兩三錢七分五厘

以上各款共額征銀二萬四千九百零一兩三錢八分二厘

田楚原額田地二百七十四頃四十二畝一分五厘除清順治中崩塌田地一百十二

頃八十九畝三分七厘外成熟田地實為一百六十一頃五十二畝七分八厘據

熙志所載如是同治漏列現今所征額銀不及原額三分之一崩塌之數當不止此起科則例每畝派銀六分三厘二毫共

征額銀五百二十七兩一錢四分三厘按田折銀應任千兩以上舊志對於崩塌

照現額填載

原派黃豆五十三石康熙中除沙壓無征黃豆二十六石六斗七升外於熟墾沙

田每畝派征黃豆二合五勺五抄清季仍攤入糧銀內征收

福原額田地九十一頃五十八畝五分二厘除荒崩田地二十一頃八十一畝九分

二厘外載康熙志成熟田地六十九頃七十六畝六分起科則例每畝派銀七分五厘

九毫共實征租銀五百零七兩二錢零三厘征餉銀六十二兩七錢八分九厘

通計官糧 凡十三鄉

澗馬鄉額銀三千一百二十八兩零四分三厘

羅卜鄉額銀五千二百四十兩零八錢零八厘

池河鄉額銀三千二百零七兩二錢八分一厘

澧山鄉額銀二千八百七十一兩二錢三分二厘

羅鐵鄉額銀一千八百八十六兩九錢六分

利河鄉額銀三千一百九十四兩三錢一分

赤馬鄉額銀三千四百六十兩零七錢九分一厘

蘆茨鄉額銀五百八十九兩五錢二分八厘

純德鄉額銀一百十九兩五錢七分五厘

柴灘鄉額銀九十四兩七錢四分

茶園鄉額銀一千零九十四兩三錢七分五厘

楚田鄉 內分殷洋藍金炭 爵濫莊果九名 額銀五百二十七兩一錢四分三厘

福田鄉 內分一二三 四五五六甲 額銀五百七十二兩一錢七分七厘

以上共正銀二萬五千九百八十六兩九錢六分三厘 較前各條所載多列銀一十一兩五錢五分四厘查

前志無據 留疑待考

官屯田 額征銀四萬八千九百三十五兩一錢三分六厘

荆州衛糧 額征銀四百二十六兩九錢九分七厘

查荆州右衛屯餉清時係民征民解嗣因征收困難於光緒二十八年委員清丈併

入縣中征收

武昌衛糧 額征銀四百五十七兩九錢八分九厘

查武昌衛屯餉係清道光三年改歸縣中征收原額銀三百四十四兩二錢七分

二厘民國成立奉令改屯為民該軍保屯頭等將花名細册抗匿不交歷係專派

催征書吏攜帶大軍名目印券赴鄉臨時設置分櫃會同各軍保證解民國八年

經林前知事澤勒令各軍保屯頭將花名細冊追繳到縣查該原冊連崩塌銀兩
共計四百五十七兩九錢八分九厘計增銀一百一十三兩七錢一分七厘即呈
報自是年起在縣署設櫃征收

以上地丁

指官民屯楚
福下仿此

屯餉

指荆武衛
下仿此

正銀均自民國十六年起每銀一兩征

解銀一元四角以丁屯全額四萬九千八百二十兩零一錢二分二厘計算省正
稅共應征銀六萬九千七百四十八元一角七分八毫

又民國四年地丁項下每銀一兩加征省附捐錢六百文十六年隨正改現折銀
二角八分以地丁全額四萬八千九百三十五兩一錢三分六厘計算應征省附
捐銀一萬三千七百零一元八角三分八厘

民國十六年每銀一兩加征堤費銀一角四分以屯丁全額計算應征解堤費銀
六千九百七十四元八角一分七厘

又券票捐每張收銀三分三厘以全額三十六萬張計算應征銀一萬一千八百

金 補 縣 志 卷 十 九
八十元始於前清民國相沿繼續征解

查上列田賦額征正銀共四萬九千八百二十兩零一錢二分二厘自民十六年度起至二十三年度止採用準兩改元辦法年共額征省正附稅銀十萬零二千三百零四元八角二分六厘

民二十四年遵照奉頒整理田賦章則履田調查就田問賦據報全縣實有田一百三十八萬四千八百零八畝四分四厘以田之高下定稅之輕重姓名坐落亦漸考查確實自七月起即實行廢兩改元按照新則征收此後能將雜捐減輕征收當可望有起色茲再將各區田數及稅額分列於後

第一區上則田三千七百八十七畝八分中則田十萬零五千六百四十九畝七分四厘下則田七萬五千二百二十六畝八分七厘

第二區上則田四千零二十畝中則田七萬七千一百八十畝零二分三厘下則田七萬八千七百一十六畝七分八厘

第三區上則田四千四百四十三畝中四田七萬四千二百九十九畝七分下則田四千六百畝零二分二厘

第四區上則田一萬零零九十三畝七分中則田三萬二千一百四十二畝下則田三萬二千六百零六畝九分七厘

第五區上則田四千五百一十七畝八分中則田八萬一千五百七十七畝七分二厘下則田五萬四千三百八十四畝四分五厘

第六區上則田九千二百九十四畝四分中則田八萬二千零三十三畝四分下則田五萬零七百二十四畝三分一厘

第七區上則田二萬八千零六十五畝三分中則田九萬六千一百六十四畝下則田二萬零三百一十三畝九分

第八區上則田一萬六千畝零七分四厘中則田五萬零六百一十六畝九分一厘下則田四萬六千零九十四畝三分九厘

第九區上則田一萬八千八百八十一畝四分中則田四萬三千六百九十六畝下則田十萬零九百七十四畝七分五厘

第十區上則田一萬三千六百零一畝六分五厘中則田六萬八千三百二十二畝四分二厘下則田七萬六千七百七十七畝五分一厘

總計全縣上則田十萬零二千七百零五畝七分九厘中則田七十一萬一千六百八十二畝五分下則田五十七萬零四百二十畝零一分五厘上則田每畝征正稅銀一角二分中則田八分下則田六分共應征正稅銀十萬零三千四百八十四元五角零五厘

又隄工捐按照正稅附征十分之一應征銀一萬零三百四十八元四角五分有零

又券票捐每張收銀三分三厘以十三萬戶計算兩期征收每戶二張應征銀八千五百八十元

以上田賦共額征省正附稅銀十二萬二千四百一十二元九角五分五厘

稅捐

契稅

買賣田房契稅清季典契無稅買契三分光緒中葉增加九厘嗣又加九厘稱厘頭錢爲鍾邑單行法民初頒定契稅條例買六典三征收正稅民三修正條例改爲買九典六民二十三奉財政部通令准全國財政會議減爲買六典三並規定地方附捐以不超過正稅半數爲原則現買契規定年額產價二十八萬元約征稅銀一萬六千八百元典契規定年額產價十萬元約征稅銀三千元

買賣田房契紙捐清季照產價大小分爲四種每種收銀數錢或數分不等案失無考民初規定每張五角全年約售買典契紙三千張計可征銀一千五百元以上各款年共征銀二萬一千三百元

營業

民十九年政府實行裁厘加稅始創收營業稅以資抵補初由縣財政局代征財政局裁後由縣政府代征全年約征銀三千六百元自二十二年起由省設局征

收稅額無考

牙屠

屠稅自民六起開辦計屠豬一頭征銀三角羊一頭征銀一角民十修正章則豬一頭征銀四角羊仍征一角民十二以前無一定比額民十三年起規定年額屠豬三萬頭應征稅銀壹萬二千元牙捐清季案失無考民初規定偏中牙帖收錢二百串偏下收錢一百串期以三十年爲限四年奉令整理期以十年爲限除照領帖年月遠近分別補繳捐款外并改定長期牙帖偏中收洋二百元偏下收洋一百元短期牙帖偏中收洋六十元偏下收洋三十元民十七十八牙帖章程迭經修改大致捐率仍舊惟將短期牙捐以三分之二解省三分之一留縣撥充地方公用無一定比額年約可征收捐洋二千四百元

牙稅清季案失無考民初長期牙帖偏中年收稅二十元偏下年收稅十元分兩期征收上期三四月下期九十月逾期加收滯納罰金全縣除倒塌逃亡外偏中約三十戶偏下約二百戶年應征收稅銀二千六百元

屠牙捐稅自二十二年起均已由省設局征收

以上各款年約征銀壹萬七千元

田賦營業契稅屠牙

各項總共年額征正稅銀壹拾陸萬肆千叁百一十二元九角五分五厘

附地稅

附地捐

地丁額銀四萬八千九百叁拾五兩一錢三分六厘各項附捐均攤在正銀內

征收按各項捐率計縣政捐每銀一兩收洋五分六厘原名自治捐清季案失民元奉前湖北財政司令征收二十一年十二月奉令改爲縣政捐又團捐每銀一兩收洋二角八分十五年四月奉財政廳令征收二十二年七月奉令改爲縣政捐又教育捐每銀一兩收銀三角零五厘五厘學捐一分三厘撥付省立中學始於清光緒三十年原係賠款改學堂捐民國相沿征收又二十三年七月奉省政府令每銀一兩加收教育捐二角總計每銀一兩收縣政捐三角三分六厘教育捐五角零五厘又五厘學捐一分三厘以地丁全額計算每年應收洋四萬一千

七百九十元零六角零六厘

屯餉
附捐

屯餉原額銀共八百八十四兩九錢八分六厘按各項捐率計縣政捐每銀一兩收洋六角一分六厘原名黨捐每銀一兩收洋二角八分十九年奉財政廳令征收又自治捐五分六厘團捐二角八分共改爲縣政捐教育捐與前條同每銀一兩收洋五角零五厘又五厘學捐一分三厘以屯餉全額計算總共每年應收洋一千零零三元五角七分四厘有奇

附券
捐票

全額三十六萬張按各項捐率計縣政捐每張收洋二分二厘原名自治捐奉前財政司令征收現改爲縣政捐又教育捐每張收洋九厘原名學捐自清至民相沿征收現亦改爲教育捐總計全年額收洋一萬一千一百六十元

以上地丁屯餉券票三項附捐自民二十四年七月廢兩改元後一律停征收爲上則田征附捐銀六分中則田五分下則田三分共應征附捐銀五萬八千八百五十九元一角零三厘以百分之四七爲縣政捐百分之五三爲教育捐又於教

育捐內扣百分之二作爲解省五厘學捐券票各附捐一律取銷

契捐稅

買契產價年約二十八萬元按各項捐率計縣政捐每產價一元收洋二分原名黨捐二分中資捐一分省警衛捐四厘公安捐二分五厘共五分九厘改爲縣政捐二十三年奉令減爲二分又教育捐每產價一元收洋一分原名冊書卹金二分民四改爲學款民七奉令加收學捐一分共三分二十三年奉令減爲一分總計全年約共收洋八千四百元

典契產價年約十萬元按各項捐率計縣政捐每產價一元收洋九厘原名自治捐三分改爲縣政捐又教育捐每產價一元收洋六厘原捐二分二十三年奉令地方附捐不得超過正稅半數縣政教育捐率均減如上數總計全年約可收洋一千五百元

屠牙附捐

屠稅奉令規定年征豬稅三萬頭計縣政捐每頭收洋三角原名實業捐一角民十二年奉令征收團防捐一角民十六年奉令征收公安捐一角民十八年奉

令征收二十一二十二年先後奉令改爲縣政捐又教育捐每頭收洋一角民十八年奉令征收總計年共應收洋壹萬二千元

牙捐無一定比額民十八年頒發短期牙帖章程規定所收捐款以三分之一留縣撥充地方公用現作爲縣政捐計短期牙帖偏中收附捐洋二十元偏下收附捐十元年約可收附捐洋一千二百元

捐畝

團款係自民十九年起奉令征收畝捐作爲團隊經費當時據報原額爲九十四萬五千餘畝每畝收洋一角二十二年改用按糧推畝法增爲一百五十萬畝但多不實在不足爲據二十四年整理田賦結果據報有田一百三十八萬四千餘畝每畝以一角計算年額收洋十三萬八千四百餘元

保甲經費自二十四年元月起奉令每畝收洋五分照前報畝數計算年額收洋六萬九千二百四十餘元

商舖捐

團款係自民十九年起奉令征收商舖捐作爲團隊補助費當時僅三商會各

月捐洋四百元二十一年經各法團議決三商會各月捐洋三百元各鄉集鎮一律征收以昭平允年約收洋二萬一千元二十四年元月起奉令減作八成征收年約收洋壹萬六千八百元

保甲經費自二十四年元月起奉令按照原額加收二成作為保甲經費年約收洋三千三百六十元

田畝券票畝捐 契稅屠牙商捐 各項總共年額征收附捐洋三十九萬九千八百四十元零三角零

三厘

鍾祥縣現行經征省稅一覽表 民國二十四年十一月製

稅目	稅則	稅額	說明
田賦	正稅上則田每畝征銀一角 二分中則八分下則六分	上則田十萬零二千七百零五畝七分 九厘中則七十一萬一千六百八十二 畝五分下則五十七萬零四百二十畝 零一分五厘年額征銀十萬零三千四 百八十四元五角零五厘	

	省隄捐按照正稅附征十分之一	年額征銀一萬零三百四十八元四角五分	
	券票損每張征銀三分三厘	全額十三萬戶戶兩張年征銀八千五百八十元	
契 稅	買契每產價一元征銀六分	年定價額二十八萬元征銀一萬六千八百元	
	典契每產價一元征銀三分	年定價額十萬元征銀三千元	
	買典契紙每張五角	年售三千張征銀一千五百元	
營業稅	各種營業稅率不一	年約征銀三千六百元	
屠 稅	每豬一頭征銀四角	年定三萬頭征銀一萬二千元	
牙 稅	牙捐長期偏中二百元偏下一百元短期偏中六十元偏下三十元	比額無定年約征銀三千六百元除撥地方附捐一千二百元實征銀二千四百元	短期牙捐規定以三分之一留縣撥充地方公用
合 計	牙稅長期偏中二十元偏下十元	偏中約三十戶偏下約二百戶年征銀二千六百元	長期牙稅分兩期征收上期三四月下期九十月逾期加收滯納罰金
鍾祥縣現行經徵地稅一覽表		十六萬四千三百一十二元九角五分五厘	民國二十四年十一月製

稅目 稅則 稅額 說 明

田賦

上則田每畝征銀六分中則五分下則三分

年額征銀五萬八千八百五十九元一角零三厘

隨正征收以百分之四七為縣政捐百分之五三為教育捐又於教育捐內扣百分之二作為解省五厘學捐

契稅

買契每價一元收縣政捐二分教育捐一分

年定價額二十八萬元征銀八千四百元

屠稅

典契每價一元收縣政捐九厘教育捐六厘

年定價額十萬元征銀一千五百元

牙捐

每豬一頭收縣政捐三角教育捐一角

年定三萬頭征銀一萬二千元

畝捐

短期偏中二十元偏下十元

比額無定年約征銀一千二百元

上款即在短期帖偏中六十元偏下三十元內劃撥三分之一作縣政捐用

商舖捐

團款每畝一角

年征銀十三萬八千四百八十元零八角

現改稱保安經費

保甲經費

每畝五分

年征銀六萬九千二百四十元零四角

各市鎮團款捐率不一

年約收銀一萬六千八百元

保甲經費照團款捐額收二成

年約收銀三千三百六十元

合計

三十萬零九千八百四十元零三角零三厘

鍾祥縣現行稅則與清季增減比較表

民國二十四年十一月製

稅目	民國稅則	稅額	清季稅則	稅額	增	減	說明
田賦	正稅上則田每畝 征銀一角二分中 則八分下則六分	正稅年額征銀 十萬零三千四 百八十四元五 角零五厘	正稅每銀一兩征 錢二串六百文合 洋二元六角	每年額征銀 四萬九千八 百二十兩零 一錢二分二		二萬六 千零四 十七元 八角一 分三厘	清制每銀一 兩大戶征錢 二串八百文 小戶二串四
				厘每兩以二 元六角計計			百文折如上 數又清季定
				額征洋十二 萬九千五百			制每銀一元 重庫秤七錢
				三十二元三 角一分八厘			二分合制錢 一串故以制
							錢一串合洋 一元
	附稅上則田每畝 六分中則五分之 下則三分	附稅年額征銀 五萬八千八百 五十九元一角 零三厘	賠款改學堂捐每 銀一兩征錢六百 文合洋六角	年額征銀二 萬九千五百 七十二元零 七分三厘	二萬九 千二百 八十七元 零三分		
	省隨捐按照正稅 征十分之一	年額征銀一萬 零三百四十八	無	無	一萬零 三百四		

	券票捐每張征三分三厘	元四角五分		全額三十六萬張年額征	十八元四角五分	
	兩期征收每戶	全額十三萬戶	每張收券本錢十二文又收學師脩	二張年額征銀八千五百八十	二千元	
	元	二張年額征銀八千五百八十	肺捐十二文印紅捐八文合洋三分	銀一萬一千五百二十元	元	
契稅	買契每價一元共收稅九分	年應征銀二萬五千二百元	買契每價一串收錢三十文又厘頭錢十八文合洋四分八厘	每年規定十萬合洋四千元	二萬六千元	
	典契每價一串共收稅四分五厘	年應征銀四千元	無	無		
營業	各種營業稅率不一	年約征銀三千六百元	無	無	三百六百元	民國十九年裁厘加稅後創辦
屠稅	正附稅每頭共收八角	年征銀二萬四千元	無	無	二萬四千元	民國六年開辦
牙稅	牙捐分長期短期偏中偏下各定稅則	年約征銀三千六百元	案失無攷	據志載牙行二百戶稅銀	六千零三十七元零四分	
				一百一十六兩四錢每兩		

總說明本表以銀元計算前清稅則實以制錢爲本位按清季定制每洋一元合制錢一千表內既折制錢爲洋元故仍按清制以制錢一千折洋一元田賦欄內正稅及券票捐有減無增職是之故若照現在價值折合其所增當不可以數計也然舍此不論而現制所增已達三十萬左右民力無多是所望於司計政者

郵政

周禮以荒政十二聚萬民一曰散利二曰薄征鄭司農注散利貸種食也薄征輕租稅也後世師之凶荒之年議蠲議賑史不絕書凡關吾縣專條旣分載大事記中其普通豁免有檔案可查或散見他載紀者特彙錄於後俾耕鑿之民得知歷代之善政焉

明崇禎十五年壬午夏五月詔免湖廣歷年舊欠秋糧

清順治二年乙酉詔地畝錢糧自順治元年五月初一日起按畝征解凡加派遼餉

新餉練餉召買等項悉行蠲免

十三年丙申春二月詔免安陸荊州武昌常德等府上年災

康熙元年壬寅詔免順治十五年以前未征錢糧

十年辛亥詔免康熙六年以前地丁錢糧

二十四年乙丑春詔免湖北二十五年錢糧一半其二十四年錢糧全行蠲免

二十八年己巳詔免湖北地丁錢糧十分之三

二十九年庚午旱災蠲免湖北錢糧之半

三十八年己卯詔停班匠無征銀欸歸入地丁帶征是秋鍾祥等八州縣并武昌衛等三衛所大旱賑穀八萬六千八百九十九石有奇

三十九年庚辰詔本年湖廣全省地丁銀概行蠲免

四十四年乙酉詔湖北康熙四十五年除漕糧外其餘地丁錢米一概免征舊欠未

完者并停輸納

四十五年丙戌詔湖北自康熙四十三年以前未完錢糧通行蠲免

五十年辛卯明年壬辰詔湖北地丁錢糧並歷年舊欠全行豁免一次

五十二年癸巳詔免湖北地丁錢糧

五十六年丁酉夏六月蠲免湖北帶征地丁屯衛銀

五十七年戊戌夏鍾祥等十州縣並武左等衛皆旱蠲賦共五萬六百二十一兩有奇賑穀十三萬七千五百石有奇

雍正五年丁未武昌安陸荊州等府大雨潰隄咸寧等九州縣並武昌荊州二衛俱被災蠲賦共四十三萬一千四十六兩

八年庚戌春詔免湖北錢糧四十萬兩

十年壬子冬十二月停湖北收捐貢監穀石以平米價

乾隆五年庚申秋鍾祥等三縣並武昌衛等水蠲賦共二千七百二十兩有奇

十一年丙寅奉文御字周甸湖北地丁錢糧輪至十三年全行蠲全

十七年壬申秋末被災地丁錢糧分別免緩十月丁巳賑鍾祥等二十五州縣衛旱
災

三十五年庚戌萬壽是年地丁錢糧全行蠲免

四十年乙未秋九月庚戌蠲鍾祥等十二州縣三十九年旱災額賦

四十二年丁酉詔四十四年地丁錢糧全行蠲免

六十年乙卯詔免嘉慶元年地丁錢糧一次

嘉慶元年丙辰夏六月諭湖北教匪滋事被賊擾累着再加恩將湖北來歲應征錢糧俱行豁免

二年丁巳夏五月賞給鍾祥等八州縣籽糧秋九月撫卹鍾祥京山回籍戶口難民

賑濟本邑穀一萬五千石又給修房屋銀一萬八千二百一十二兩三錢

四年己未冬十一月詔免乾隆六十年以前積欠緩征地丁耗羨及民欠籽種口糧

漕項銀兩又積欠緩征并民借米穀草束等項銀兩

八年癸亥春正月豁免民屯正耗錢糧二分三月奉諭鍾祥等四十二州縣被賊滋擾地丁錢糧全行蠲免

二十三年戊寅詔免嘉慶二十年以前民欠未完錢糧銀兩

二十四年己卯詔湖北省自嘉慶元年起至二十二年止因災帶征漬淹緩征暨積年民欠正耗共銀一百四十二萬九千一百六十三兩又未還常平社倉共穀二萬八千五百一十四石又借修隄費共銀二十四萬四千九百四十七兩又南漕項下未完正耗米三萬七千一百五十八石水脚銀五千二十八兩全行蠲免

道光元年辛巳詔免嘉慶二十五年以前錢糧

咸豐元年辛亥詔免道光二十九年以前民欠未完緩征正耗共銀一十二萬九千五百七十一兩有奇

光緒元年乙亥詔自咸豐七年起至同治十年止湖北省民欠未完積欠地丁錢糧雜稅全行豁免

十年甲申秋八月詔免節年正耗民欠錢糧及因災緩征帶征銀穀并借給籽種口糧牛具及糧項蘆稞學租雜稅等項

二十一年乙未夏五月鍾祥潛江天門漢川等縣水災請旨截留漕米賑撫諭留冬漕五萬石以作工賑之需

宣統元年己酉湖北大水延袤安陸等六府荆門一州鄂督陳夔龍電請給帑銀六萬兩并准無論何款籌撥銀二十萬兩放賑

民國元年壬子奉湖北財政司令前清民欠未完地丁錢糧全行豁免

十二年癸亥奉內務部令鄂省各縣民國五年以前積欠緩征地丁錢糧一律豁免

十七年戊辰奉行政院令民國十六年以前民欠未完地丁錢糧全行豁免

旋奉令解釋民

十六年上半年度係在十五年會計年度內積欠錢糧應予豁免至十六年下半年度至十七年上半年度乃十六年會計年度仍應征收故此大糧銀實僅免至十六年六月

三十日止

倉儲

王制三年畊必有一年之食九年畊必有三年之食重儲蓄也吾縣負山帶水山鄉常苦旱河鄉常苦潦設不籌備於預將何以卹之則常平社義諸倉之法又在所當講矣當宋南渡後縣有廂禁守禦各營嘗設大軍倉以饜衛兵號曰東倉又就白雪樓前設倉儲谷以備民荒號曰西倉西倉以間計者六十有七淳熙十一年州守祝大任嘗重建之明代有預備倉一所舊在南門外長壽縣舊基正廳三間左右倉廩各三間後因傾圮遷併廣益倉又建倉於閱武門內崇禎末賊燬清初詳請積谷收儲泰禋殿備賑後以泰禋殿燬又改置別處今舉其可考者詳著於篇

常平倉三一在府學宮後

已廢現改為救濟院婦女教養所

一在府城隍廟旁一在火神廟旁

光緒五年

知縣包鵬飛勸捐重建

原額谷三萬一千石

湖北通志載三萬六千石

清嘉慶二十一年清查存谷七百七十四石九

斗八升二合五勺咸豐四年三月知縣董文煜任內被賊劫掠無存

又清光緒四年安陸知府李慶霖就府廟旁常平倉改爲安豐倉稟准制憲飭藩司撥庫銀一萬兩購谷一萬石存倉嗣因天潛迭次水災借用無餘三十二年知府張履春奉令責成各縣就地籌還計解還及原存共銀三千四百五十餘兩購谷二千五百七十一石入倉民國府制取銷由縣經理二年以雪水浸入糜爛過甚售錢五千五百三十八串文陸續墊付軍用無存

社倉八本城德寶菴豐樂河龍泉寺龔家集洋梓里放鷹台白口各一所

原存谷二千三百九十七石嘉慶二十二年清查存谷一千四百三十二石咸豐四年被賊滋擾劫掠無存

此外尙有陳家大廟社倉一所建自前清民國三年清查存谷一百零五石四斗六升邱公壩社倉一所亦建自前清民國二十三年清查存谷八十六石八斗六升八合每年春放秋還出入均以谷計又豐樂河於民二十二年領用民隄貸麥洋一千零四十八元零九分由當地隄紳經手購谷一千二百十九石三斗暫備

荒歉賣時仍應償還貸麥

縣倉二一火神廟旁常平倉遺址改建

民國四年知事周樹基重建

一府城隍廟旁常平倉遺址改建

民國二十二年縣長嚴祥雯重建

民國四年知事周樹基以前墊付軍用各款奉令准在正賦項下抵解歸還隨即購谷一千二百六十三石有奇入倉民六復經墊付軍用無存

民國二十二年縣長嚴祥雯奉令辦理積谷各區共派谷款一千二百元修整倉廩洋四百元就府廟旁常平倉改建縣倉一所於二十三年購樊斗谷三百五十石存倉

區倉二十所就十區分設計第一區附設縣倉內第二區設白口天后宮第三區邱公墻陳家大廟兩處第四區設張家集誠實鄉沙河鄉白鶴鄉四處第五區設長城鄉平樂鄉康樂鄉三處第六區設豐樂河第七區設移家廟胡家集李家大廟三處第八區設永盛集朱堡舖丁家坪三處第九區設冷水舖第十區設石牌鎮

民國二十二年縣長嚴祥雯奉令辦理積谷除縣倉購存樊斗谷三百五十石外其餘各區計第一區存谷六百一十七石三斗五升第二區存谷三百石第三區存谷一百六十一石八斗第四區存谷二百四十石第五區存谷二百三十六石二斗三升第六區存谷二百四十石第七區存谷四百八十六石七斗第八區存谷五百七十七石四斗五升第九區存谷二百零六石八斗第十區存谷一百五十六石一斗五升共存谷三千二百二十二石四斗八升

論曰吾縣田賦已於廿四年經整理田賦委員會分上中下三則按畝定賦上則一角二分中則八分下則六分自是年七月實行具載篇內廿五年春當局以本省當民元之初歲征田賦三百餘萬元近歲僅百餘萬元令司計政者恢復舊額據擬治標辦法除上則田仍定一角二分外中下則已各加二分然猶曰負擔無多也乃又有每畝各加券票捐二分之規定意謂此捐行之已久亦屬人民原有之負擔應歸納正賦內統徵不知此項負擔果出人民自願抑別有威權使之然乎往者唐行兩

稅明定條鞭舉一切捐稅併入田賦固以爲此人民原有負擔也乃未幾捐稅重興則又以爲人民應有負擔也前於篇首已論及之未煩再述惟所欲言者民元以來吾省田賦附捐歲有增加而所征之數不逮其半非盡民之無良實原有田難耕求爲良民而不得也善夫大學之論理財首重生之者衆又謂有人此有土有土此有財吾省田土自若而比歲以來人民之死於匪死於盜死於水旱之災者固不知幾萬萬也司計政者誠於土地人民兩兩權衡行見稅源日闕上與下胥蒙其利又豈惟民元舊額之可以恢復哉

鍾祥縣志卷之八

教育



三代之士皆出於學故庠序學校之典隆而教育之事備漢魏以來士不必皆出於學兼之政教分途儒吏異趨故學校日衰而教育亦浸失古意唐興令州縣各建學宋元明清因之其制可謂善矣然所謂學者特孔子之廟耳歲惟春秋二仲釋奠於斯廟左雖設堂分齋直等具文以士皆從事科舉其奮迹科名者不必由學而來而上之號稱興學者亦惟是崇飾廟貌肅將祀事其於學則鮮有注意者觀前賢學記往往稱廟而不稱學亦可以覘厥梗概矣鍾祥舊爲郢州郢州學可考者自宋始淳熙初州太守孫榘徙學蘭臺之左爲屋四十六區藏修有次齋明有館元改安陸府學明初改爲州學分齋曰志道曰正誼曰達材逮嘉靖中升爲承天府學知府吳惺復作號房六十間其規模亦云備矣然而絃誦之聲時作時輟則以有學校之名無教育之實也其間足補學校不逮而得教育遺意者厥惟書院書院昉於有宋鍾祥

所設頗多士人受教育於書院者亦頗衆惟強半役志科舉去古庠序學校之制則仍遠甚也有清之季罷除科舉開辦學校今則自都會郡縣至市鎮鄉村皆以建學相號召果能實事求是俾人人得以讀書人人得以識字其教育普及未必不與三代比隆獨慨卅餘年來時勢多艱推行未善識者談教育二字怒焉引爲深憂非有惡於學校凡以三代之所以興學者實不在是也茲舉宋以來關於教育諸大端分著於篇俾覽者得覘吾縣文化升降之由而有以善其後云

學宮

縣舊有府縣學宮各一所府學因宋故址縣學則創立於清康熙五十四年也民國成立府制既廢凡府縣並立學宮之處通令擇留其一以奉祭祀邦人士僉以府學規模宏敞且爲宋玉故宅議即以府學改爲鍾祥縣學宮自是春秋釋奠遂有定所然兩學皆文獻所闕茲分別述之

舊縣學宮清康熙時創建在陽春臺之左側爲明興邸泰禋殿故址先是明嘉靖十

年安陸升州爲府增設鍾祥縣治縣未專立學宮迄明一代終付闕如清康熙五十四年經學使薄有德題請議准特立縣學宮增設教諭訓導各一員命知縣李素專任建修之責造大成殿居中南嚮殿前爲月台階下爲丹墀左爲東廡右爲西廡前爲戟門東爲明宦祠西爲鄉賢祠又西爲節孝祠體制粗備乾隆十六年知縣狄蘭谷始鑿泮池架石橋其上立櫺星門建大坊二開義路禮門更於四周築垣以作屏藩三十三年縣人復建明倫堂及啟聖祠旁構魁星祠立大門加護牆焉四十六年知縣王鴻典樹聖域賢關之坊五十年知縣張琴教諭李元輔重修嘉慶十四年道光二十三年咸豐四年迭經官紳修飾光緒七年知縣封蔚祔捐資修理二十八年知府彭覺先於修復府學宮後又以餘力將縣學宮擇要補葺清末廢科舉後迭於此地開設縣師範傳習所暨農業學堂廟殿祠廡藉以保存迨民國成立兵燹屢經次第倒毀因有府學宮留以奉祀更難議及保存今則滿目禾黍徧地荆榛除移西廡拓充桂公祠外僅存數椽於敗瓦頽垣中昔日堂

殿近且作爲農林實習地幸周垣以不次補綴猶可資以範圍基址焉

改定縣學宮即舊府學宋淳熙初郢州太守孫楸徙建在古蘭台之左相傳爲宋玉故宅先是宋建郢州學於縣東南二里之石龜頭紹興中因漢水衝圯徙而北距舊址僅三百步越二紀學就傾孫楸始徙建今地越十年太守張孝曾建直舍益之元改安陸府學末世喪亂爲衛卒所據明初降府爲州始即州城東北鎮遠樓建州學洪武十五年湖廣提刑僉事沈某廉訪至州詢得故實乃命衛輸其地遂得遷還故址知州梁棟學正劉紹祖集資掄材建廟廡堂宇齋舍門庑悉如制廟在明倫堂之右齋曰志道曰正誼曰達材明年火二十三年曹國公李文忠又新創之景泰中知州顧震天順初知州趙熙相繼修之成化初知州俞蓋復闢廣盈倉爲射圃其後提學副使薛綱僉事高繡隘其規出帑金十二鎰貿居人宅益之弘治五年學正林啓又作後堂講堂八年興獻就藩詣廟行釋奠禮見殿宇傾圯重加修葺易櫺星諸門瓦俱用綠琉璃正德十三年復給銀四百兩命千戶陳政

重修壯麗有加嘉靖九年更正孔廟祀典易塑像爲木主去王號稱至聖先師孔子於大成殿後特建啟聖祠十年升爲承天府學增鍾祥縣生員附府學二十年知府吳惺作號房六十間爲諸生肄業所三十年巡撫屠大山巡按胡宗憲奏請重修廟殿門廡悉加崇飾殿後建御碑於左後爲啟聖祠前爲敬一亭左右爲名宦鄉賢二祠旁夾室爲藏書祭器二庫又買民地拓爲明倫堂東西齋學舍以及齋祭庖湏之所悉備焉其間市材程功董厥役以底於成者則分守參議劉文光分巡僉事惲紹芳知府孫銓也萬曆九年知府劉禹謨採形家言改修學門二十六年知府常裕續修二十九年知府孫文龍創修雲路門內東偏爲宰牲亭西偏爲致齋所中爲泮池宋玉井在焉四十四年分守道高第於明倫堂豎立二大石一書天地綱常一書古今名教與堂前舊有忠孝節義四石相映照

按四字各占一石每字長

五尺寬三尺相傳爲考亭朱子真跡

復與知府李養蒙司理陳本於儀門外建魁星樓於正殿後建

尊經閣藏經史諸書崇禎十六年流賊陷城東廡戟門燬焉清順治二年改木主

稱號爲大成至聖文宣先師孔子旋復嘉靖舊稱五年荆西道石鳳台力爲修葺
煥然改觀六年知府李芳十三年知府李起元復修之十七年知府馬逢臯倡議
捐俸續修委諸生毛一熊謝三聘分赴七邑勸募又以郡丞林文學鍾祥知縣李
彥珽學正秦日昌訓導喻以恕向啟璉等分職襄事於是明宮齋舍皆壯麗有加
康熙六年知府張崇德重修後殿二十五年知府江南齡三十七年知府吳肇榮
相繼重修雍正元年定自叔梁公以上凡五代並追封爲王爵更啟聖祠爲崇聖
祠八年知府談九叙乾隆二十三年知府張世芳均有修葺道光二十四年鍾祥
知縣梁正標重修尊經閣學爲府屬公有修築費例應公攤然因是而易受牽延
自乾隆二十三年以後無工程可紀率原於此梁公於尊經閣不謀於鄰封毅然
獨任其事誠可風也咸同之際髮捻擾亂戎馬倥傯未遑及此光緒六年知府羅
忠佑始督同教授劉建侯訓導阮燮陞及邑紳梅傳瑞等補葺藻飾一改舊觀然
以工不堅實未能持久二十八年知府彭覺先始集資量工大舉修理實心實政

天人交感維時發現古磚一窰蟠龍石一方士大夫多託詠歌以紀其美工既竣凡廟殿祠廡以及堂舍齋閣罔不輝煌巖業鐘鼓祭器之屬亦皆備尙擬購置樂器未行而解任民國成立府制既廢府縣學并一合祀特設奉祀官領其事兼司守護縣人又於明倫堂開設縣立國民小學一所賴以保存自十四年以後地方多難軍隊多屯居於此舉先聖神主及東西廡各牌位不惜析爲薪炭供彼一炊其門扇窗櫺板壁之屬更早蕩爲灰燼靡有孑遺而地方鼠竊狗偷之徒復乘間毀垣洞壁攫取磚瓦益以風雨霜露之剝蝕牛馬牲畜之蹂躪十年以來僅存不朽棟樑荒涼模型支撐於叢草亂石間誠可歎也乃者孔道會成立於斯四周繚以短垣暫資防堵其或者尙有修復之日乎

學制 學規學額附

鍾祥建學據志乘所載斷自宋始既如上述然於學制則缺焉未紀其所詳者獨有清一代按清制多沿明舊舊志於明代學制雖未立專目其散見於他目類者

尙可考見今姑舉明以來之學制略著於篇而學規學額之鱗爪亦附載焉

明洪武二年詔天下府州縣皆立學府置教授一人治四齋齋各置訓導一人生員十人共四十人歲貢一人廩千石州學正一人治三齋齋各置訓導一人生員十人共三十人比三歲貢二人廩八百石縣置教諭一人治兩齋齋各置訓導一人生員十人共二十人比二歲貢一人廩六百石仍免各生員家差徭二丁生員專治一經以禮樂射御書數設科分教頑不率者黜之時生員雖已定額未久即命增廣不拘額至宣德元年始定在京府學六十人在外府學四十人州三十人縣二十人仍如初設食廩之數於是初設食廩者謂之廩膳生員增廣者謂之增廣生員至正統十二年又令於額外增取附於諸生之末謂之附學生員自是凡初入學者皆謂之附生廩增則以考試高第者補充之非廩生久次者不得充歲貢明初諸生無不廩食於學後以額寬人多而學校自此濫矣鍾祥初爲州學逮嘉靖時升州爲府學額視兩京廩生二歲貢三應貢者入監讀書期滿授職一時得

人最盛所可議者生員皆附府學每因學額與鄰封發生爭執至清初異代爭猶未息康熙末縣立專學始有定額計縣學十五名府學由八名增至十名每試額取二十五名咸同間以籌餉練團迭增學額八名計共三十三名終清之世是爲定額惟學官大加減裁訓導一缺湖北全省僅定七十員州縣各配一員尙覺不敷視明制每齋額設一員者相懸遠甚又開國百年教官未入流品乾隆初始行加給品級定教授爲正七品官學正爲正八品官訓導爲從八品官國家旣視教官爲無關輕重而爲教官者亦多徒擁虛名惟贄儀厚薄是較冒濫冗廢蓋無師道之可言矣

明初除設教授等職外管學無專官生員入學由巡按御史布按兩司及府州縣官主之自正統元年始置提調學校官凡考試及事關學校者皆提調學校官之職掌不理刑名所受詞訟重者送按察輕使者發有司直隸則轉送巡按御史督撫巡按及布按二司亦不許侵提學職事十四年申明生員黜罰充吏之制天順六

年賜提學勅諭十六條皆傲惕學官勉勵士子待遇獎懲之詞弘治十七年復頒勅諭提學十五條清初沿明制設提學道其後改爲提督學政體制益隆康熙九年定生員緣事未黜地方官不得擅撻例至乾隆元年重申禁令凡生員偶有過愆止應戒飭者地方官會同教官在明倫堂朴責有擅自叱呵斥責者聽學臣察參以違例處分其有肆行不法等事該地方官察稟即行申詳督撫學臣革退審理自是地方有司遂不敢擅侵學官職權與明制實相表裏也

明成化三年詔提學官躬歷各學督率教官化導諸生先是正統六年令提學官置簿稽考生員所業所至察提調勤怠以書其稱否生員不率教者黜退之至是仍令置簿考驗其德行優文藝瞻治事長者列上等簿或有德行而劣於經義或有經義而短於治事者列二等簿經義雖優治事雖長而德行或缺者列三等簿歲課月考循序而上非上等不許科貢中葉而後漸成具文國家視督學官漸輕柄其任者非必有卓行實學足厭士望巡歷校試但憑文字爲升降其他道藝德行

徒按學官所報三等簿獎汰之不復有所案質教官之黜降生員之謫發皆廢格不行崇禎末雖有申嚴學校之制國運已終積習難挽以訖於亡殊可慨也清初學制一沿明舊然鑒明季之失於學校嚴定課程按月有課按季有考順康之初尙能實事求是久之亦多未實行雍正十二年重申禁例諸生於月課季考如有託故三次不到者即行嚴傳戒飭其並無事故終年不到者詳請斥革如教官不力行課試經上司察出揭報咨參計其廢弛次數每次罰俸三月若視爲具文竟不舉行者革職迨後此制空存教官且借爲勒索之護符上司亦不加察而揭參矣

明洪武十五年頒禁例於天下學校鑄臥碑置明倫堂左不遵者以違制論清順治九年亦頒示臥碑條文大致相同惟明碑於在野賢人尙許數陳治道清則不許立盟結社并不許刊刻文字制限益加嚴矣清時與臥碑並重者有康熙三十九年雍正二年先後所頒之聖諭廣訓十六條及康熙四十一年乾隆十年所頒訓

飭士子文事關通行未煩備載至其他訓諭禮部學政間接奉行關於直省學校者大率欲以利祿怵以刑章空言誥誡亦無容紀入志中茲故從略焉

書院 社學義學

書院肇自有宋鍾祥仍自明以來始有可考按書院雖未特頒定制著爲令典然國家既力予提倡內而部院外而督撫下至郡守牧令遂皆仰承風旨各謀建設清末廢科舉興學校書院適爲由彼達此之中樞茲彙紀之而以社學義學附焉

郢門書院在府城內陽春台明洪武中李文忠鎮郢時所建

按此條舊志漏載茲從嘉慶一統志補入

濂溪書院在縣東七里灣之堵家堰明萬曆丙辰學使葛寅亮創建葛公試郢郡得人號稱最盛乃創建書院拔其所取士之尤俊異者俾潛心肄業以遠城市之喧

書院址久廢

文昌書院在城東里許子胥臺東南隅地勢高聳前繞漢水聊屈三尖左右屏列爲郢中勝地明萬曆丙辰守道高第吳尙默次第建文昌閣於此講堂號舍具備顏

曰大觀明末燬於兵清順治十六年知府馬逢皋重修前廳事後岑閣塑帝君像於閣上東有廂房西多隙地其後推官黃尊光復於廳前環築牆垣中建木坊顏曰文昌書院自是始定書院之名康熙三年知府張崇德司理史颺廷知縣程起鵬踵事增修捐資置田以供文昌香火及士子會文瀹茗之資每月聚課歷久不渝三十二年知府吳肇榮重新之三十五年知縣趙世祿請於郡以書院爲義學踰二載復爲書院歲久風雨剝蝕閣且圯住持僧性廣徧告邑人士鬻自置私田爲營建易以杉木其高且加於昔工未竟乾隆二年知縣高士榮倡捐完葺之歲由邑令延山長以時課士其中四十四年邑人士復於閣之左構魁星殿士子膏火山長束脩迭經捐置田畝已具基礎嘉慶二年知縣周季堂重修並勸捐田畝若干至同治四年知縣許光曙復因案撥增普安寺玉皇閣兩處田畝暨朱家埠炭稅作爲膏火其曾家廟海子湖皇陵港龍泉菴等田租作爲山長束脩未幾曾家廟等處田租統由書院經管士紳彙收月送山長束脩十千自此每月舉行官

師課各一次官課由縣令主之師課由山長主之按照取列等第由書院給予膏火外知縣復捐廉分別獎給花紅以資鼓勵光緒中知縣鍾桐山於書院課外月增經古課一次課以經史詩賦及時務有用之學其獎勵甚厚徐嘉禾繼任乃就官課等第列前者月集縣署花廳加課一次名曰加課禮遇頗隆由是士子咸知奮發得人稱盛逮清末創興學校課試始停書院故址今已荒廢矣

甘棠書院在城東二南關外清順治十八年闔郡士紳爲知府馬逢皋建以志遺愛實非士子肄業之所前有蓮池人多往游焉今廢

魁閣書院在城東楠木山清康熙中知府吳肇榮創立其閣則前太守刁履仁自城內移建歲久頗就荒邑人士猶多相率會文於斯乾隆五十六年邑人樊若谷黃如楹張夢龍等集衆資復構講堂三楹并葺魁閣而新之邑人杜光德爲文刻之石嗣後時有修補至光緒中猶籌柴捐以供歲修置田畝以奉香火民國初經理乏人日就傾圮邑人王炳陽雖募款修復煥然一新然不久即被人竊毀近間有

修舉梅亭亦粗具模型惟經費甚絀工程簡陋殊難保持久遠

陽春書院在陽春臺上清康熙四十八年知府楊綠綬所建地高踞而幽盤紆而敞最爲佳勝五十一年邑諸生宋穀等復增修焉院西北隈舊有田三畝歲入租錢二千四百爲每歲二月三日祀文昌之需與修葺之用書院久廢其租歸縣學吏經收今則無人管理清末府經歷張志暨殉節之嵩佳太守夫婦之衣冠塚均在其中

漢津書院在城南白口鎮荊台書院在河西石牌鎮清同光間先後建設月課由縣署出題緘封命禮書持往當地揭示試卷收齊仍由禮書包封賚呈縣署評閱榜示改制後舊有學產均歸當地小學校接收

博通書院在城內大井灣街清光緒二十三年知縣劉秉彝創建院址係購買民宅之規撤而新規之模極爲宏敞講堂齋舍以及藏書之樓傳經之閣悉備焉復措鉅款購置書籍數千卷供士子流覽肆習籌定常年經費延名師主講其中課以經史

性理及一切經濟有用之學每歲甄錄生監三十名童生十名爲內課生住宿院中月給齋膳之費又取生監外課四十名童生外課二十名不給齋膳課分朔望兩次內外課一體應試取錄者院給膏伙外復捐廉優給獎金內課四次不在給獎之列者降外課外課多次獲獎者升內課以此士子爭自濯磨人才輩出文教大興秉彝卸任時邑人士摹像於石嵌置傳經閣壁間以識不朽清末開辦學校即因院址設立高等小學以迄於今由斯校畢業出身者不乏成才今猶鼎鼎稱盛焉

蘭臺書院在文昌門內古蘭臺山麓清乾隆十四年知府張世芳率同七屬捐置遂爲府屬士子肄業之所延聘山長主講其中脩脯膏火歲有額解之項頗稱充足月分官師兩課由知府與山長分別主之三十二年知府覺羅敦福益事擴充刊碑紀事碑陰附刊田畝及所捐款額頗詳厥後繼任者不得其人日形頽廢道光二十七年知府賈世陶募捐修復棟宇一新咸豐六年燬於趙邦碧之亂九年鍾

祥縣知縣湯一德與縣紳等重修乃復舊觀清末首就院址開辦安陸府師範學堂嗣復改設安陸府中學堂民國初改組爲第四區蘭臺中學校後乃易爲省立第七中學校今則定爲湖北省立鍾祥初級中學校凡屬舊有學產悉歸省有列作該校常年經費派有專員經理田畝稞租俱變舊例以非縣有暫略未載校址屢議他遷卒以向設蘭臺有最久遠之歷史最充足之理由經部議駁正始獲穩定保存如舊

社學義學

明洪武八年詔天下立社學於是鄉社皆置學由有司延師儒令民間子弟兼讀御製大誥及本朝律令二十年令社學子弟讀誥律者赴京禮部較其所業次第給賞正德十一年知州王槐嘗作社學城內之東北隅東南隅城外之南門外河街東街寺下街小東門外西門外皆有之其後可考者僅石城門內及山川壇右兩所見康熙府縣兩志

清雍正元年始定各州縣設立社學義學之例舊例大鄉鉅鎮許置社學至是復經申定將學生姓名造冊申報學政按臨時如有能文入學者社師優賞若怠於教習鑽營充補者褫革義學準此然社學遺址除舊志所載石城門內山川壇右兩所係明代所建外清代實無所考惟義學尙有數處分列如下

一在城南魏家集舊志稱有學田百畝除崩塌沙壓外實有淨田五十九畝係仁壽菴撥歸陶祠管有者

一在城北馬頭寨名爲雲臺觀義學道光中鄉紳梅振萬蔡正紀捐建有田六十六畝後捐入蘭台書院義學遂廢

一在城北豐樂河道光五年縣令李忻建久廢所有學田變爲當地私有無人過問

一在城南龍家集高壩岸文武書院俗名聖廟清咸豐十年地方士紳建道宣統元年復

增修旁殿爲士子奉祀會文之所今仍有人相繼教書其中規模一如往日

一在城南白口蓮花寺附近清光緒中白口同知張維翰倡導最力會同鄉紳周召

南於九年籌設學舍三楹學田數十畝歲延塾師設教略助脩脯數十串十五年隄潰被衝二十年重構三楹教讀如舊近以地方多故暫停

賓興館

賓興館在文昌閣右廂清道光十二年建舊有賓興銀三千兩存典生息作舉貢生監鄉會試舟車及入詞苑泥金之用每值鄉試年分以諸生三人領款赴省於八月初四日按名平均給發咸豐二年知縣李剛介公檄撥充軍需至光緒元年邑紳黃西春太守翥先捐銀一千兩四年黃澤臣方伯毓恩捐銀二千兩發交典商乃復其舊終清之世賴有此款賓興未感困難科舉廢後此款充城自治會經費民國改元經軍用外餘款由郢市區長保管者數年嗣仍以兵燹改用無存置田三百五十七畝四分一厘又當田八畝每年收入租稞用助膏火月由縣令主課一次惟諸生得與今則田畝悉歸縣有見學產表

學校 女學 圖書館 講演所 學產附

清光緒末廢科舉裁儒學初令各州縣設學務公所擇所屬士紳之有資望者二三人董其事嗣改爲勸學所設總董視學勸學員等職專司一縣教育行政事宜後改總董爲所長至民國十五年以後又改勸學所爲教育局設局長督學等職今併入縣政府第三科自興學以來除蘭臺書院改設中學博通書院改設小學名稱雖間有變更而辦理未嘗中斷外餘則時停時辦倏廢倏興程序散亂紀載不易茲就較有關係部分提挈綱領分志於篇俾存梗概至縣境現有各學校則查照檔案表列於次以供流覽云

甲關於師範部分先是興學伊始有學務處就蘭台書院創辦安陸府師範學堂以畢業人數無多師資缺乏不免借才異地知府張履春遂就蘭臺書院續辦師範簡易科附設傳習所一班復督同鍾祥縣令張樹森繼續辦理縣立師範傳習所連次畢業人數計在七百人以上復擇其中英年俊彥延長期限授以較爲完備之科學而邑人留學省道師範暨支郡師範者又聯翩畢業回里人才濟濟於時

官私立學校至三百餘所自清末迄民國初年迭經部省專員視察成績斐然均列爲上上考云

乙關於女學部分鍾祥素重禮教風氣閉塞女子鮮以求學爲事知府張履春力謀創設適京山吳紳貞願將舊置城內韓家街房屋一棟捐作校舍遂設簡易師範手工專科各一班附設不纏足會於校內廣爲勸導畢業後即就地改辦女子兩等小學分設初小數所於他處後雖屢經變更時有停頓而韓家街一校究係女學策源地辦理較爲綿遠直至男女實行合校後始廢

丙關於實業部分光宣之際首於縣學宮開設初級農業學堂武廟開設初級工業學堂各一所均屆畢業停廢民國八年復於城外漢神廟開設乙種農業學校一所招取學生二班第一班於十年畢業十二年改爲農科初級中學亦招學生兩班第一班甫屆畢業而又廢二十三年又於貢院內開設農科職業學校分農林二科未及一年而又停迭次停廢原因雖不一致而經費不充實爲最大成分云

丁關於圖書講演部分鍾祥之有宣講所自清光緒三十一年始民國以來迭有變更更大要分固定與不固定二者固定者在城外廣慈閣內名曰民衆教育館不固定者為巡迴講演二十四年六月成立額定二人分赴各鄉村講演其在廣慈閣者成立於二十一年內設館長館員各一人於每晚講演二十三年六月又於其中分圖書游藝兩部地點在縣府東偏游藝部備有舊日各樂具暨新玩具任人游戲圖書部圖書多係二十一年師長張維漢所捐置新舊書籍皆有惟查民初曾單設於清縣學署或大井灣大士閣所有書籍俱移自博通書院嗣後增益頗多迨二十一年左右學款支絀辦理不得其人致將三十年所有書籍散佚無存而舊籍尤為可惜未始非從事是項教育之缺憾也

鍾祥現有學校一覽表 民國二十四年度

區別	立別	校名	校級	班數	校址	附記
省		鍾祥初中		七	蘭臺	按該校係清末就蘭臺書院開辦安陸府師範學堂民國

第

一

縣	縣	縣	區	區	縣	縣	縣	縣	縣
中心小學	第一初小	第一初小	第十一初小	第一初小	第二初小	鄧中鎮初小	訓育小學	毓秀小學	佛道小學
八	一	一	一	一	一	一	六	一	一
大井灣	魁星閣	黃庄廟	魏家集	寺坡街	縣門坡	蔡家橋	城河街	老君殿	
有來改爲府屬中學名稱迭 有更易今稱鍾祥初級中學 爲高小畢業升學之所	按該校係清末就博通書院 開辦高等小學堂現仍舊貫 爲全縣初小畢業升學之所								

區 三 第					區 二 第			區			
聯保	聯保	聯保	聯保	縣	縣	縣			私	私	
第八短期小學	雲霧鄉初小	芹平鄉初小	天新鄉初小	長壽鄉初小	第三初小	第十二初小	第二初小	第六短期小學	中山民衆	鍾秀小學	啟文小學
	—	—	—	—	—	—	—			—	—
周家集	青天砦	雙廟	雙廟	舒家廟	黃家集	鄭家集	白口鎮	北新集	山陝館	考棚街	白子庵

第五區					第四區					
		私	區	縣			私	區	區	縣
平山鄉第二初小	平山鄉第一初小	濟衆初小	一小	第五初小	玉圓鄉第二初小	玉圓鄉第一初小	育才初中	二小	一小	第四初小
		一	三			一	一	二	二	一
天保岩	吳家巷	團蓬寺	洋梓鎮	洋梓鎮	劉家祠	胡家集	張家集	馬頭寨	九華岩	張家集
				按該校附第五區區立一小內			按該校清末開辦定名鍾祥縣高等小學堂民國改縣立小學按十七年改第一完全小學二十一年始改今名			

第 區八第				區七第		區 六 第					
私	私	聯保	縣		縣		區	縣			
大同初小	務實初小	屏藩鄉初小	第九初小	第三短期小學	第八初小	第四短期小學	第七初小	第七短期小學	一小	第六初小	第五短期小學
—	—	—	—				—		二	—	
萬佛寺	新安廟	徐家集	陳家集	朱堡舖	雙河口	胡家集	轉斗灣	普門冲	楓梓堰	豐樂河	長壽店

山田

四十二畝	孫家灣	第一區附郭	活租驗田起裸
七十八畝六分	張家灣	同上	同上
四十畝	望湖橋小地名玉皇廟	同上	同上
三十畝	二里灣	同上	同上
一十畝	八步口	同上	同上內荒四畝
九畝	天齊廟	同上	同上全荒
十七畝二分	五叉堰	同上	同上
三十九畝三分	謝家坡東嶽廟附近	同上	同上
一十五畝	文昌閣	同上	活租近因土城攔阻水無出路自二十二年改作藕田
五畝	先農壇	同上	活租全荒
四十二畝五分	魏家店游家集西	英安鄉	活租久荒自二十三年始招佃承種
五十畝零七分	協王井	檀合鄉	活租

山田	湖田	藕田	棉田			湖田					
五十八畝	四十七畝	二畝	四十畝	一十五畝	三十一畝	七十二畝二分	一百九十八畝	二十八畝	三十八畝	五十三畝	五十畝
黎家廟	許家集	七里街	北門內	范家集	公議集	丁公廟	游家集 翰林寺	劉家台上 九里冲	馮家廟 九里冲	黑松墻上 九里冲	謝家廟
第三區長壽鄉	第二區同安鄉	附郭鄉	本城		長慶鄉	附郭鄉	英安鄉				
活租	活租自廿年地方不靖佃戶逃亡廿二年招佃僅收洋十元	額租全年定租金銅元十串	額租全年定租金八十八元	同上	該田係由魁星閣交出專案呈報作為修理魁閣經費	活租內撥十畝零一分歸住持僧收租	活租荒一百一十七畝一分	活租	活租	活租荒二十四畝	活租荒五畝

五十九畝四分	朱家廟		活租荒十四畝
二十四畝	曾家廟		活租
一十二畝	郭家畝		活租
一百二十畝零二分	龍泉寺		活租承種者五十四畝七分荒六十五畝五分
四十五畝一分	楊家橋		活租
一十八畝	黃家河		活租
七十二畝	鄧東驛	台真鄉	活租因地方不靖佃戶逃亡二十三年招佃承種二十四畝
二十二畝三分	馬家集趙家台		活租
七十五畝八分	馬家集崔家台		活租承種者八畝荒六十七畝八分
一十畝	千弓墻	白水鄉	活租
五十八畝	黃家集		活租全年定租金一百六十五串
五十畝	普安寺	第四區三益鄉	活租全年定租金二十五元

	四十畝	清平舖蕭家廟附	文昌閣交出康熙三十六年蕭弘猷賣出
	一十五畝	白洋坪	文昌閣交出康熙五十年吳越九施
基地	六畝	文昌閣門首	文昌閣交出道光十三年張學賣出
	一塊	文昌閣前雙蓬河	文昌閣交出光緒十年韓方劉宋四姓賣出
	二段	文昌閣後子胥台	文昌閣交出民國九年趙陳氏賣出
園田	一塊	文昌閣後子胥台	文昌閣交出民國九年徐傳富賣出
	二塊	文昌閣門首	文昌閣交出道光十三年陳海堂賣出
房屋	一棟	小東門內	額租全年定租金六十元
	一棟	白廟	額租全年定租金一串八百文

按鍾祥學產據舊志及各種碑記所載現在遺失正復不少然自興學以來時移代易若欲澈底清理誠恐引起糾紛仍難望有效果茲據最近教育局移交縣政府冊報列表如右

論曰自虞廷命官司徒敷教夏商因之逮周益備觀周禮塾序庠學之制幾於無人
不學古之所以化民成俗者可知矣清季興學所持以號召海內者在使人人讀書
人人識字其章制條教雖取法東西各國然圖教育之普及則固有志於唐虞三代
也鼎革以還識時之彥益銳意斯途積廿餘年之經營籌畫所謂人人讀書人人識
字者似不難一觀其盛然而環顧海內失學者比比皆是以鍾祥戶口論學齡兒童
奚啻十萬乃全縣學校不過五十視民初三百餘校且僅及六之一其無教育可述
蓋有未容深諱者嗚呼教育者立國之根本而根本尤有先於斯者書所謂資富能
訓惟以永年也比歲以來災禍頻仍流亡載道此皆顯著之事實爲關心民瘼者所
不忍言果以民生爲先務俾四民各得其所教育之發達將不期而自至盍亦反其
本哉

鍾祥縣志卷之九

武備



往者閉關自守論形勝者率推荆襄海通以還武漢又中心所集故就全國而論湖北實爲要地吾縣執荆襄武漢之樞爲饋饗所必經自南北朝以及有宋之季常宿重兵爲備而歷代兵制其詳皆不可考明初設衛置屯嘉靖中以陵寢所在屯兵尤重前清損益明制時增時減及嘉慶教匪與咸同髮捻之亂吾縣受禍頗烈然卒能轉危爲安者實與上下游相爲唇齒以扼南北之衝民國肇造兵制未定廿餘年中荏苒滿野輒恃客軍爲援或調師旅團駐防尙無一定規畫茲就可考者分兵防兵事二目附以民團礮砦撮述槩要以備異日整理軍政者之參考云

兵防

天生五材誰能去兵故兵可百年不用不可一日不備書曰有備無患易曰思患豫防意至深也顧兵以將爲主任將之法代各異制宋南渡後以郢當邊衝嘗設

廂禁守禦各營其司軍政者姓氏已無可稽舊志僅載明以來今仍之

明初設安陸衛屯兵領以指揮使指揮同知等職後因豐樂河至沙洋盜賊竊發又

委哨官一員領哨兵三十五名沿江巡緝歷久而懈或與盜通遂罷嘉靖間改安

陸衛為承天衛增設顯陵衛立留守司總統二衛其下有指揮千戶百戶之屬至

崇禎末流寇猖獗移本省總兵駐防且調外省援勦合主客兵十餘萬人分立五

營令本省撫按總統以護陵寢十六年正月朔李自成攻陵破城衆兵皆潰

明安陸衛指揮使

吳復 合肥人 洪武初任 蔣遇春 丹徒人 洪武初任 後隸縣籍舉人 蔣健裔 濟川將大用及清舉人 蔣鳳騫皆其後裔

指揮同知

從貞 繁昌人 洪武初任

留守司正留守 嘉靖十八年設

黃濟 武昌人 嘉靖十八年任

李翺 武昌人 十八年任

劉節 荊州人 二十二年任

劉佩 十承天五年任

吳燾 十順天九年任

賀鳳 十浙江五年任

許元 十三年任

朱文 十鳳陽四年任

劉佩 十四年復任

蘇節 十三年任

管海 十三年任

韓德順 十隆慶元年任

李登 十武甲六年任

郭應乾 十萬曆元年任

何萬鍾 十蘇州四年任

於超 十常德九年任

解節 十武昌九年任

李應詔 十南昌二年任

吳承蔭 十江南四年任

韓似甫 十四川六年任

余允升 十江南六年任

柴時泰 十岳州九年任

黃岡 十紹興十一年任

黃冲霄 十江南二十四年任

麻鎮 十廣西十六年任

黎國釋 十福建十八年任

李思忠 十河南十九年任

李奇 十貴州萬曆間任

蔡宏毅 十浙江萬曆間任

沈壽崇 十宣城武甲崇禎五年任

副留守

江山 十均州嘉靖八年任

孟鎮 十河南十二年任

郭廷用 十茶陵十三年任

牛天賜 十壽州十四年任

丁奎 十淮安十六年任

趙宏柞 十嘉靖間任

孫棟 顯陵衛人 嘉靖間任

朱彩 泗州人 二十九年任

游繼先 寬河衛人 四

韓德禎 直隸人 隆慶元年任

吳來賓 常德衛人 二年任

季金 武甲松門衛 六年任

陳文治 登州人 萬曆二年任

張應選 觀海衛人 三年任

王勳 金吾衛 五年任

彭明德 四川人 九年任

協同簽書

李翺 武昌人 嘉靖十八年任

喬志道 六安人 二十一年任

田繼禮 雅州人 二十三年任

李允 淮安人 二十四年任

高京 沔陽人 二十四年任

陸勳 鎮江人 二十七年任

郝章 長沙人 二十九年任

王倫 待考

許元 顯陵衛人 三十三年任

韓翼 待考

鄧春 承天人 四十年任

胡用中 待考

張橋 汀洲衛 十二年任

鍾曉 衛鎮撫 四十二年任

顏壽 豐縣人 四十五年任

郭應乾 金吾右衛 指揮 隆慶六年任

尹志萃 保定衛 指揮 萬曆元年任

戴寅 衛 指揮 二年任

鄭邦本 岳州衛 指揮 四年任

常國楨 淮安人 六年任 程志常 作章

黃嘉謀 蘇州人 十六年任 同治志 嘉作 家

塊 彥 荊州人 十八年任

王 一 桂 襄陽人 二十一年任

包 良 枳 北京人 二十一年任

晏 鉉 漳州衛指揮 二十四年任

遂 鳳 大同人 二十六年任

丁 應 科 南京府軍後衛指揮 二十八年任

徐 一 鳴 南京豹韜衛指揮 武舉二十年任

承天衛指揮使

王 邦 鍾 葉 可 久 黃 希 文 劉 緒 張 書 紳

指揮同知

秦 得 良 尹 之 任 從 世 傑 汪 丕 承 高 如 山

指揮僉事

鄧 崇 善 胡 効 忠 邵 繼 祖 張 藻 朱 朝 卿 曹 持 憲 夏 世 臣 蔡 胤 孝

周之屏

鎮撫

大 良 臣 子孫衛官世襲不絕濟歲貢生大我宗其裔也

千戶

鄧尙志 解應宗 覃 璠 袁繼宗 沈崇文 馬 杲 徐應魁 張友顏

王世爵 顏大有 許良將 謝世爵 曾九齡 程國忠 湯 梓 林 恩

劉秀實 湯之璧 范體正 唐 曾

百戶

蔡應賢 徐行教 陳起龍 魏盡忠 蕭應鳳 李世勳 屈羣策 倪民悅

關 節 朱承祿 孫顯明 潘光先 秦 上 雷時化 黃 實 韋大臣

司世爵 蕭應亨 湯民悅 孫承業 江 楠 謝應誥 吳三樂 金體仁

沈承恩 張 豸 朱 英 劉承應 蔣應奎 潘 純 王應節 馬繼原

蔡承恩 楊 相 高 登 童添綬 袁應鳳

顯陵衛指揮使

許從正 官 箴 張世俊 曾 恭

指揮同知

吳從周 張廷勳 段應祖 王業成

指揮簽事

汪應科 黃世美 張美 劉大樹 尹相湯 陳應祖 榮登科 張宏德

鄧昇陽 張棟

鎮撫

樊華 子問仁以兩科武舉承襲 易大壯 李紹儀 殷珮

千戶

陳禹貢 杜詩 金鳳翔 錢有信 李應魁 史秉直 楊仲仁 徐化

莊拱辰 周官 王道立 劉啟元 吳希漢 方啟元 張德化 宋之彥

劉養浩 狄遵壽 趙世勛 尹三聘

百戶

裴俊 宋文奎 黃卷 鄒應元 胡應魁 張化 周國鼎 陳嘉謨

杭珍 朱之佐 郭廷楫 蘇相 徐應乾 童養正 謝啟元 樊居仁

孫鳴鹿 朱文錦 譚世忠 鮑道明 張應科 范堯明 洪範 楊名遠

譚三略 胡遵道 朱朝聘 閻國用 周應龍 王邦鎮 奚為卿 續應宗

楊應奇 母尚仁 張大勳

總兵 崇禎七年移鎮

許成名 貴州赤水衛人 崇禎七年任 秦翼明 四川人 九年任 王觀國 浙江人 十一年任 錢中選 大同人 十五年任

清順治二年設總兵一兵三千名五年改副總兵一兵千名十八年移副總兵鎮九

谿只設城守營守備一駐府城兼轄京山城汛兵三百名康熙元年增設把總一

十三年改設遊擊一兵八百名二十二年仍改為守備一把總一兵三百名雍正

七年考拔馬兵增設經制外委把總一九年改守備為都司簽書歸湖北提督轄

制乾隆中添設千總一駐防本城把總一分管塘汛外委把總一分防麗陽驛汛

額外外委一分防石牌汎增城守兵七十名共三百四十名道光五年增設把總一分防豐樂汎外委一分防鄒家嘴汎綜計有清一代兵數既增減不一將弁名稱亦隨時而異然自雍正九年改守備爲都司簽書其下有千總把總經制外委額外外委之屬其姓名尙釐然可考至於俸餉馬匹與分轄水陸塘汎檔案亦尙可稽茲次第列之

總兵 順治二年設四年裁

賈三省 河南人順治二年任

副總兵 順治五年設十八年裁

萬代程 遼東人順治五年任

吳汝鳳 北直大興人順治十四年任

郝爾德 榆林人順治十七年任

安陸衛守備 順治五年設十七年裁

高承勳 遼東人順治五年任舊志高作安

陳鳴珂 薊州人

馮從京 真定人

龍英

關陞 山西人

吳世相

安陸營守備 康熙元年設

宋穀 字越菴 杭州人 康熙元年任

唐登科 字顯樓 蓬萊人行 伍康熙九年任

崔邦亮 河南人

薛大興 河南人

童允升 浙江人

王繼偉 順天人

劉國俊 陝西人

胡愿 陝西人

陳朝恭

安陸營游擊

劉秉禮 直隸人 武甲 康熙三十年自荆門營調

都司僉書 雍正九年改設

殷起龍 貴陽人行 伍雍正十年任

王上得 武陵人行 伍雍正十一年任

張柱 南龍人行伍乾隆十三年任

張鼎 長安人行伍乾隆十六年任

艾華 昆明人行伍乾隆二十三年任

潘成福 膠州人行伍乾隆二十八年任

張淑宜 漢軍正白旗人乾隆三十二年任

漢札 滿洲人護軍乾隆三十五年任

楊崑松 潘廳人廕生乾隆四十年任

和隆額 滿洲正紅旗人乾隆四十五年任

楊崧 代州人武生乾隆四十九年任

盧蓋臣 正定人武進士乾隆五十一年任

蔡廷標 丹徒人武進士乾隆五十六年任

宋吉典 湖南澧州人

馬洵 河南杞縣人

海洪阿 滿洲人

范起鳳 江西人

劉文魁

王元相 四川瀘州人嘉慶二十三年任

鍾光 滿洲人道光元年任

強謙 滿洲人

梁廷誨 貴州人道光十年任

方展鵬 道光十一年任

巴楊阿 滿洲人道光十六年任

張奐 滿洲人道光二十一年任

張鵬飛 四川雙流縣人道光二十八年任

葉永泰 江夏縣人道光十九年任

周邦煜 襄陽人同治三年任

炳輝 滿洲人正紅旗人同治四年任

胡秉忠 襄陽人同治六年任

吉貴 滿洲人同治九年任

楊得山 字金亭 襄陽人光緒三年任

張金龍 字月卿 江夏人光緒九年任

楊得山 十五年回任

王東華 漢陽人光緒二十五年任

張全勝 襄陽人光緒二十七年任

蔣明榮 字信甫 江夏人光緒三十年任

李國明 字衡山 荆門人宣統元年任

城守營千總 乾隆二十年增設

彭商正 巴陵人武生乾隆二十年任

熊連 荆門人伍乾隆二十二年任

趙天培 穀城人伍乾隆三十七年任

詹如侯 孝感人伍乾隆四十四年任

李藩 南漳人伍乾隆四十四年任

傅得悅 穀城人伍乾隆五十六年任

彭潤

李會三

馬如龍 蒲圻人詳宦蹟

姚元麟 江夏人

王允年 江夏人

陳際泰 咸寧人

徐廷楷 襄陽人

尹紹本 江夏人 咸豐元年任

松鶴 滿洲鑲白旗人 咸豐七年任

貴全 滿洲鑲紅旗人 同治二年任

楊承春 武昌人 同治四年任

段錦麟 黃陂人 同治四年任

潘自權 湖南人 同治九年任

柴文棠 襄陽人 同治十二年任

蔡連科 襄陽人 光緒二年任

羅連陞 襄陽人 光緒五年任

宋銘橋 襄陽人 光緒十二年任

陳允治 襄陽人 光緒十九年任

分防白口把總 乾隆五十八年增設

趙成權 鄖陽人 乾隆五十八年任

王添福 穀城人

周捐 穀城人

忠存 荊州駐防

趙大發 襄陽人

李廷良 江陵人 道光二十五年任

楊裕基 襄陽人 同治二年任

龐興業 棗陽人 同治四年任

海潤澤 同治十三年任

聞國麟 襄陽人 光緒三年任

分防豐樂把總 道光五年增設

孔繼先 山東人

汪鴻恩 興州人

雷萬春 穀城人

際運 鄖縣人 咸豐十年任

張大鵬 黃陂人 同治九年任

王連陞 光緒三年任

俞國璋 安徽人 光緒十一年任

譚甲三 鍾祥人 光緒二十年任

分防麗陽驛把總 乾隆二十一年增設

吳文 鍾祥人 乾隆二十一年任

邊昌基 鍾祥人 乾隆二十三年任

徐正名 荆門人 乾隆二十七年任

熊作桂 荆門人 乾隆三十八年任

鄧克己 穀城人 乾隆四十八年任

陳萬春 襄陽人 乾隆五十五年任

分防石碑額外委 乾隆二十七年增設

曾登第 鍾祥人 乾隆二十七年任

盧國棟 鍾祥人 乾隆三十二年任

黃之順

鍾祥人乾隆十五年任

王世華

鍾祥人乾隆四十六年任

黃應彪

鍾祥人乾隆四十八年任

林逢春

鍾祥人乾隆五十四年任

王宗淮

鍾祥人乾隆五十五年任

危映奎

荆門人乾隆五十六年任

陳煨

宜城人

朱應淮

鍾祥人

蕭學渭

鍾祥人

蕭承桂

鍾祥人

張秉全

鍾祥人

李長青

鍾祥人同治元年任

徐登陞

鍾祥人

分防鄒家嘴外委

楊正乾

鍾祥人乾一作榜

沈起宗

鍾祥人

孟祥麟

鍾祥人道光二十五年任

劉海澄

鍾祥人光緒九年任

李慶昌

襄陽人光緒二十一年任

張洪麟

鍾祥人光緒三十三年任

分防京山把總

康熙元年設

張起蛟 河南人

史逢春 穀城人

嚴作瑤 漢川人

閔德元 鍾祥人

歐陽步雲 京山人同治四年任

葉發升 襄陽人光緒十四年任發一作登

分防京山多寶灣外委把總 雍正十一年撥設

譚永忠 荆門人

林萬雄 鍾祥人

楊志義 新野人

李占先 鄖縣人同治二年任

楊逢春 襄陽人光緒十四年任

廖全道 襄陽人光緒二十年任

俸餉

都司僉書歲支養廉銀二百六十兩俸薪等銀一百四十一兩三錢九分四厘千總歲支養廉銀一百二十兩俸薪等銀四十八兩把總歲共支養廉銀二百七十兩俸薪等銀一百零八兩經制外委歲共支馬餉銀四十八兩額外委歲支馬餉銀二十四兩馬兵歲共支餉銀五百五十二兩戰兵歲共支餉銀七百零二兩守

兵歲共支餉銀三千二百一十六兩總計歲需養廉銀六百五十兩俸薪等銀二百九十七兩三錢九分四厘經額外委馬戰守兵餉銀四千五百四十二兩每兵歲支米三石六斗總計每歲需軍米一千一百九十八石八斗遇閏俸薪軍米有加凡銀由藩司給領米由糧道給領

馬額

安陸營都司例馬四匹千總例馬二匹把總例馬共六匹經額外委操馬共三匹馬兵操馬共二十三匹總計官坐馬一十二匹兵操馬二十六匹本營共三十八匹冬春二季支豆草銀二百七十三兩六錢夏秋二季支折乾銀一百一十四兩每歲共支銀三百八十七兩六錢由藩司給領

水陸塘汛

分防縣城把總一員與本營同城轄陸塘八處水塘四處內協防石牌額此外委一

員由城東至忠臣廟

塘兵四

再至梅子舖

塘兵四

由城西南至黃土坡

塘兵三

再至百

頃舖三塘兵 再至石板舖三塘兵 再至新市舖四塘兵 由城南至黑城頭三塘兵 再至沙

港上塘兵三以陸塘 新菴四塘兵 唐港四塘兵 石碑外委一員塘兵五 殷家集塘兵四以上水塘

分防豐樂河把總一員距本營九十里轄陸塘七處水塘四處內協防麗陽驛經制

外委一員由城北至龔家集三塘兵 再至麗陽驛外委一員塘兵六 再至盛家店五塘兵 再

至豐樂河五塘兵 由城西北至快活舖四塘兵 再至九里岡三塘兵 再至七坵田三塘兵

上陸塘 轉斗灣四塘兵 薛家腦四塘兵 利河口四塘兵 蔣家莊塘兵四以上水塘

兵事

兵事與地理相表裏縣當要衝為用兵必爭之地春秋時楚以郊郢制鄖服隨遂
雄南服東漢之季吳置牙門戍於石城魏晉以還南北分爭嘗視石城為得失蓋
自羊祜用陰謀進據其地杜預繼之牙門將周旨等進克江陵吳乃不支其後晉
室東渡羣胡入寇李陽羅崇桓石虔兄弟諸人皆據石城以挫戎鋒江左始獲偏
安及梁大寶中魏將楊忠略取石城遂非南朝所有凡此皆於大事記中撮述綱

要其首尾略具者亦於宦蹟內分別叙述無俟贅陳惟宋南渡以後迄於今茲因用兵境內其事較詳而受禍尤酷者爰稽載籍及今採訪所得悉著於篇

宋建炎紹興間金師南逼盜賊蜂起郢州當殘破之餘爲陳求道所據朝廷即畀以鎮撫使俾禦外寇求道死後畀桑仲仲疏請恢復知郢州霍明疑有叛志誘殺之統制李橫殺霍明爲仲復仇朝命又授橫爲鎮撫使橫屢敗金師會劉豫盡有河南地遣李成陷鄧州旋入襄陽郢州守李簡棄城遁豫以荆超僞知郢州紹興四年始除岳飛荆南鄂州制置使飛引兵抵郢城超號萬人敵乘城拒飛飛鼓衆壘臂而升殺虜以數千計積尸與天王樓埒超投崖死遂復郢州

咸淳十年秋九月元大舉伐宋巴延與阿珠帥阿樓罕張宏範諸軍循漢江趨郢州都統制張世傑力戰禦之巴延不能前遂捨郢順流而下郢在漢北以石爲城又於漢南築新郢萬勝堡兩岸戰艦千艘橫鐵繩鎖大艦數十密樹椿木水中下流黃家灣堡有溪經鶴子山入塘港可達於漢亦設守禦之具堡之西有溝南通藤

湖至江僅數里巴延遣總管李庭劉國傑攻黃家灣堡拔之破竹席地盪舟由藤湖入漢巴延殿後行大澤中趙文義范興以騎二千追至鴨兒湖巴延手殺文義擒范興殺之士卒死者五百人元軍進至沙洋遣俘持黃榜檄文傳趙文義首入城守將王虎臣王大用等斬俘焚榜又斬其軍之欲降者會大風礮火焚城城陷虎臣等死之又攻新城守將邊居誼邀降將呂文煥與語伏弩射之巴延怒益兵攻其外堡拔之居誼死焉

明洪武元年吳復破老馬劉於洪山自元末兵起郢東被害最慘始壬辰春徐壽輝之黨魯法興陷安陸知府綽羅丑一作閩被害渠盜老馬劉王打探偽將歐元帥等羣起爲亂盤踞大洪山蘇家寨諸處殆數十載洪武初遣大將徐達部下偏將鄧愈率師抵洪山圍攻一載賊始就擒然東山沿鄉一帶已赤地無餘矣

崇禎十二三年間流賊馬進忠

俗稱混
十萬

惠天相

俗稱過
天星

劉國能

俗稱關
場天

羅汝才

俗稱
曹操

賀一龍

俗稱革
里眼

等分掠縣東焦山溫峽口一帶時因陵寢重地援兵雲集有秦良

玉阮夫人皆土司女官統裸裸兵若干以象十餘隻爲前驅又施州衛月空和尚統僧兵若干又總兵猛如虎與劉孫二璫統京營銳卒若干賀李二家兵若干約十餘萬需索蹂躪與賊無異及聞賊至龍泉寺皆詭計魚鳥散

十五年十二月闖賊李自成由襄陽寇荊州舟賊上岸直薄郢郊燒南關援剿總兵溫如珍力戰却之斬首數十時有沈時宏者門書恭迎王師又有趙鬍子者開西關導賊入俱斬於市二十六日闖賊率衆數十萬抵石牌作浮梁渡兵廿七夜風大作船盡碎次日復成之三十日平明逼城惟援剿總兵溫如珍先至立營未定力戰不勝率麾下衝陣去自是事不可支矣癸未元旦賊分兵破陵巳刻陷城殺降五營將士無算自成僞稱奉天倡義文武大元帥羅汝才亦僞稱元帥改承天府爲揚武州以宜城人馮復金等分任各僞職自成至寢廟大殿頭目暈眩不能安坐居營中八日復回襄陽將陵廟材木折運襄陽其留郢各僞官任意殺戮血流有聲居民遠避深山附郭數十里爲之一空

抗賊殉難姓名幸未就湮者舊志載三十五人今仍之

范之楷 鄭茂第 商嘉相 張祚隆 王 粲 李向陽 蔡爾馨 王恭己

從所期 李 融 韓 策 王夢起 沈時亮 劉世德 蔣 焜 王夢騮

陳復新 向元極 汪中科 鄭 科 孫雲仍 孫雲起 沈季采 陸世彥

秦懈人 鄭之善 李因培 鄭之獲 吳文炳 李 莊 鄭聯奎 劉世懋

張穎登 張國純 王 焜

清嘉慶元年六月白蓮教匪姚之富齊王氏等竄入縣境總兵楊秀駐流水溝率副

將白守忠都司李芳知縣周季堂督率義勇扼要殺賊斃紅衣騎馬賊目三人復

擊之香花園地為縣北門戶通縣城與豐樂驛等處又敗之田家集宜城地七月姚之富走南泉阪八

月都統永保破賊於隨州之紅土山會兵縣境將軍明亮奏鍾祥為賊巢穴宜四

面圍攻以防漏網今永保以九千餘兵由北追壓而南路要截之兵止三千餘難

杜逃竄詔責永保擁兵自衛時賊首除姚之富齊王氏外劉起榮張護國劉起華

高二標子廖士學李槐等亦大集縣境老弱男婦嘯聚四五萬人負嵎山谷各據險要分六隊劫糧臺楊秀奮力迎敵參將羅廷弼復連射數人箭盡被害是月賊無所掠食劉起榮計令李槐率大隊犯楊秀決勝負秀馳赴大營請兵明亮令率所部五百人接戰秀激勵士卒列巨礮以待俄賊大進秀手發三礮斃賊數百乘勢大呼槍礮矢石雨下明亮麾隊馳至前後夾擊秀氣並壯賊死於刀矛火器者播石碎者墮岩者溺水者不下二萬人賊橫行襄棗鍾宜間且半載至此始獲大創惜永保不出力夾攻又不設伏兵邀擊殊足憾也

二年八月賊襲宜城明亮自荊門馳救之賊復竄入縣境明亮敗賊普門冲又與永保邀擊於雙溝時賊分東西隊竄李槐在東劉起榮在西官軍分兵阨呂堰棗陽賊遂徑犯河南追至河南界之淖沱鎮賊分奔唐縣倉台

五年五月徐添德三路東犯分竄縣境明亮倭什布徑趨宜城駐向陽洲遏賊渡漢令孫清元吉林泰抄賊前擊之戰於班竹鋪賊回折荊門孫清元擊於東治關賊

遂竄石牌時大雨如注河驟漲官軍爲水所阻軍報梗塞賊亦透遲不得騁抄掠黃家集等處

自元年至五年凡陣亡入祀昭忠祠者據舊志所載官弁有王時中等三人生監有邊翼元等十人營兵有戈應虎等五十七人義勇有李文燦等六百五十一人以無事寔可考爰列總數附載於兵事之後其姓名則從略云

咸豐三年團首伍天池獲襄陽匪首郭大安解郡伏誅十一月荊州將軍台湧援武昌繞道縣城聞賊揚言竄荊襄令都司葉永泰游擊翟萬林守城

四年三月粵賊陷城教諭陳啟圖罵賊死越七日西犯荊州至龍會橋敗於兵四月中旬復犯境爲團勇擊走六月二十八日京山土匪孔昭濬勾引賊衆薄城下官軍分道進攻守備石清吉帶兵潛伏東門外策應城立復賊竄石牌時會昌營守備陳德新剿賊駐皮家集聞訊率所隊於鎮東迎擊賊遁石牌獲安

六年十一月隨州賊趙邦碧僞稱楚公聚衆千餘直驅縣城都司咸恒把總魯際雲

堵戰教場際雲兵潰邦碧遂長驅入城踞府城隍廟焚燒學宮試院書院各公廨及城內外民房數十家而去總兵某伺諸半途率團勇邀而殺之生擒副賊石大磐送官焚於演武廳

十一年賊首陳玉成自隨州南竄留悍隊死守德安隨州二城大臣官文派遣員劉嶽昭率所部勇丁四千六百人於三月抵縣城飭往隨州攻剿

同治元年粵賊陳德才糾合陳大濬張總愚張落刑各捻竄入棗陽隨州京山應城各境吾縣適當其衝督撫飭道員梁作楫帶凱字營由襄樊馳赴縣城會合穆正春舒保花凌阿進勦穆正春攻克應城即抵京山陳德才遂糾大股犯郢東至沙石坡北繞直河縱橫百餘里所至焚掠婦女殉難者尤衆正春馳至與總兵彭炳武夾攻賊北竄其據豐樂河者遇多隆阿赴援襄樊悉數殲焉在龔家集者方伐木紮籬偷渡正春由陸路兜勦斃賊甚多

二年八月捻匪張總愚由隨州茅茨畝入寇長壽店副將黃日勝駐軍保縣城守備

黎澤庚率水師擊敗之

三年陳得才復糾合各捻由京山竄入縣境大臣官文督師水陸合擊於板橋岡及京山之宋河迭獲勝仗總兵梁洪勝又擊賊於白口殺數千名擒偽丞相指揮五人

五年十一月提督郭松林追任柱賴文洸諸賊抵縣轉戰石牌白口間身受重創援軍不至師大潰郭妻楊氏自漢口捐資助餉招集流亡軍復振追賊天門皂市賊列陣徐家集以待賴文洸以別隊襲官軍後復竄入縣境知府覺羅同勳知縣孫福海及京山知縣陳祖心固守待援時官軍分三路進十二月賊騎大至總兵顏光杰禦於護城隄戰死數日賊東南走提督伍維壽截賊游家集斬捻酋張百川賊折還白口越日拔營走羅家集留馬賊斷後松林逐之深入賊伏身受七傷左足幾斷遇舊部俘者負逃以免其弟芳鈔戰死軍氣大挫

六年正月賊自棗陽南犯時浙江提督鮑超軍次樊城巡撫曾國荃飛檄令超赴縣

兜勦超即馳抵縣城賊踞楊家峯拖船埠永澧河一帶提督劉銘傳亦追賊至尅期夾擊超隊及楊家峯銘傳已先出敗潰賊三路張翼緊躡氣甚厲超部署諸將四路迎戰而以總兵楊德琛等馬隊爲游擊之師諸將陷陣左右偏擊退中路步賊而馬賊馳援超中路策應兵用連環槍礮接戰游師從夾道縱騎蹙之其兩翼馬賊爲超中左中右策應步將所截左右馬隊已包賊後衝出賊惶顧返奔官軍乘勢追擊賊大敗追斬六十餘里死者萬人自是亂漸平

自咸豐二年至同治六年凡陣亡將士及紳耆士庶之遇害者據舊志所載姓名分列總數如左

咸豐二年計陣亡將弁雷萬春一人營兵李占鰲等三十七人三年計陣亡將弁郭殿雄程光大二人營兵余得勝等四人四年計出師應山長江埠楊家集陣亡營兵龐得祿等十一人京山鴉嘴山陣亡營兵熊士洪等六人游家集陣亡團勇黃英等五十人六年赴陝西陣亡營兵黃清華等二十一人皇繖廟堵截趙逆邦

碧陣亡營兵王得升等十二人團勇張天寶等十二人同治五年計羅家集陣亡將弁吳宗國等三人保安團劉炳輝等二十四人六年計謳樂岩陣亡黃永春等六人又某處陣亡黃世英等五人又張正春一人又羅家集陣亡將弁提督以下唐殿奎等三十九人其因兵禍遇害者咸豐四年有顧學淮等三十一人六年有韓國祚等二人同治元年有魏念慈等九十七人三年有黃起貴等三人四年段宏德一人六年有張知紋等二人又有客民鄔輝廷等十二人又有缺失年月何覺寬等十人

宣統三年八月十九日民軍起義武昌二十七日京山某師起天門知縣被殺聲言取安陸人情洶懼未幾張楚材由襄陽領陸軍劉某領巡防軍隊同時抵郡城不相容幸劉他去得稍安十二月季雨霖任招討使率兵來張師退

民國元年是冬隨匪百餘人由縣北長河南下掠洋梓駐軍李德三率兵追至沙河店匪北

竄至周家冲時有周經五者沿路鳴金邀衆追至九華團境羣起持梃或徒手生

擒渠匪十八人隨即格斃餘潰

民國十一年九月初二日隨棗股匪劉星會胡津梁曾包子等竄縣北長河分途包圍張家集豐隆區長黃履祥會同各團團總曾景輝李寶丞分派教練熊亮清歐錫五隊士周正華陳興元許光炳等率隊抵禦衆寡不敵匪遂大肆焚掠先是民元以來匪首劉星會等迭擾縣北要鎮並勒富民邵建侯陳心泉等各輸鉅款均經區長黃履祥攻潰因恨履祥刺骨至是大舉來犯欲得履祥甘心履祥以素得人心幸免於難然熊亮清等五人陣亡張家集亦成一片焦土矣

十二年七月初四日悍匪胡津梁二百餘人竄入縣境長吉區區長邵伯成會同團總彭旭九派教練李之芳率隊二十四人禦於柏樹林時天雨水漲匪由周家集繞魚兒嶺團魚坪一帶崇山峻嶺山路崎嶇之芳不憚跋涉長驅猛進匪大潰由袁家台竄薛家店等處略肆焚掠經之芳尾追遂由長河返隨

是年有股匪竄入河西高陽境之胡年尖勢猖獗經營長趙某擊潰

十三年五月十七日悍匪劉星會等由板橙崗竄抵洋梓駐縣旅長寇應傑派營長趙錫三進攻趙逗留萬年寺不前匪遂大肆焚掠百年繁市頓成灰燼先是入春後星會等迭竄縣境均經各區區長會同各團長派隊攻擊匪未獲逞有李之芳者短小精悍號敢戰匪以矮子呼之縣知事某擢之芳爲團佐之芳益以殺賊自任每臨陣奮不顧身賊一聞風呼爲李矮子兵到毛骨爲悚洋梓夙稱巨鎮距城僅三十里星會繞道來犯意矮子等各衛堡寨必未暇出山援救視官軍如無物果爲官軍所誤然因各區防衛嚴又畏矮子聲威自飽掠洋梓後亦遂稍稍斂迹云

是歲寇正邦叛兵百餘人竄擾長吉區長邵伯成會同團總馬茂林派某教練率隊士十三人禦於劉家菴擊退之敗向跌跌坡而去救出隨靜平舖喬團總岳光及楊孟多人

十六年正月十二日匪首武赤一陳籠子等千餘人由長河南竄抵洋梓焚燒搶掠

市鎮重燬趙營長追及之方紮塞萬年寺而匪已北遁由溫峽口竄周家集袁家
台等處沿途騷擾民不堪命時第四區保衛團團董李寶丞遣團出發由雀兒三
灣至大昇山布列戰線匪踰碑岔抵洪山坪團隊居高迎擊救回肉票百餘名匪
遂分爲兩斷竄入長岡店而遁是年六月一日唐文炳劉德林賈玉福余大開劉
大豐等擊匪於高陽鄉死之

十七年三月匪首孫發祥魏元德等數千人竄擾縣西冷水舖民團擊之不利匪遂
盤踞桐木嶺一帶肆意焚掠里舍爲墟營長帥某奉令會同七區聯防團隊往攻
以呂康普爲總指揮率隊禦於李家壩匪合力猛進彈如雨下團隊死傷甚衆踰
日崩頭康駐軍營長胡某偕帥某抵河西張家集攻匪於某高山中擊敗之匪繳
槍八十餘枝潛匿李家壩一帶山谷中出沒無常明年猝遇某軍移防荆門迎擊
之乃滅

十八年縣西一帶賊氛四起東有馬貫之丁之爵北有金老八袁成勳西有周建章

馬四寶南有王德昌易老四王老八等到處搶劫十室九空而襄河下游又有某
匪掠船千餘艘溯漢而上圖攻石牌全鎮大震時有孟國祥者老於軍務自清季
由陸軍講武堂畢業歷充營長參謀等職大小數十戰勇略頗著民七告病家居
以鎮勢危亟率隊往內方山下爲先發制人之計一鼓而匪衆紛潰河岸稍平縣
長彭養光因委國祥爲第七中隊隊長充縣南總指揮督辦勦匪事宜十九年正
月二日奉彭密令率隊會勦擊斃金老八等而袁成勳猶肆掠於三尖山附近遂
追袁匪至皮家集西大虎山袁匪據山頑抗鏖戰至十二小時冒險登山力拔匪
幟救出肉票百餘人內有司法汪某之女公安局長何其純鄭書記之眷屬等分
別遣歸自此石牌匪踪告罄塘港路徑始通無何彭縣長交卸楊繼時接任城東
乃有悍匪鍾志超擁衆撲城已抵七里街心城不陷者僅呼吸間耳國祥子憲禎
同翟陞率隊追擊危城得保國祥字新夫別號珠田授陸軍步兵少校曾獲獎五
等文虎章石牌人也

二十年八月十九日有巨匪數千人由東北蜂擁而來包圍縣城時某旅長駐壇坡果園一帶率兵禦之匪連日猛攻軍隊不能抗乃由大東門退入城內附郭一帶匪肆意騷擾屋舍邱墟幸城守尙堅凡入城避亂者得保無恙

二十一年正月十六日隨匪王正祥馬小峯等勾結豫匪馬錫有馬國鈞傅老三等數萬人馬數千匹蜂擁入縣分支四出一擾豐樂河一由沙河擾花山南竄縣南游家集鄭家集沙港一帶又有荒年隊等隨同搶劫縣長嚴祥雯率各中隊隊士分途邀擊時京山駐軍曹振武隨縣駐軍羅啟疆等亦遣兵追勦匪等東奔西竄環縣數百里幾無處不有匪踪逮八月又有某匪二百餘人自白口沙港繞城東而北抵賈家集一帶盤踞甫十餘日又有匪近萬餘自河西馬梁繞豐樂河抵張家集南至客店坡幸經某軍及五十一師等跟踪追及九月五日戰於邵家圪上

下匪遂繞洪山南麓竄至雙河官軍又追及之戰於嚴周二畝匪始遠遁然盤踞雲霧九華兩鄉諸匪猶出沒無常二十二年正月匪等竄至周家集進掠昇平寨

至二月二十三日又竄擾洋梓隨經駐軍旅長芮某暨京山曹振武隨縣羅啟疆等四面逼攻始退出洪山踰豐樂河遠遁

是歲八月六日匪首大老龔由棗陽出板橋崗竄牌防河聯保主任汪秀廷一面防禦一面函請五龍圓和歐樂各處義勇隊協助會同隊長胡精仙胡毓卿毛進之汪良材歐樹勳等沿途追勦至條子河沿與匪對壘約三四小時斃匪一傷數名十二日縣中隊長曾憲成至張家集仍調五龍圓和歐樂各隊追至毛家崗歷蕭家河姚家坑達大嘴子坡擊散匪衆匪遂遠竄是役也匪受創頗鉅我軍中彈者聯副隊王槐三及隊長毛進之

二十四年八月二日夜保安隊第十中隊分隊長宋德文譁變劫獄掠市嘯聚匪衆數百携槍枝百餘盤踞縣東北客店坡一帶縣長熊道琛委第九中隊隊長曾憲成進勦匪聞風潛至鍾京界觀音崖下據險分守憲成軍至匪據山頂用排槍射擊憲成揮隊猛撲另派一分隊長由側翼潛攀而上截斷火線激戰四小時之久

斃匪二十餘名獲槍二十餘枝生擒匪首王漢超等餘匪悉散五日正在邵家坵
崔家灣一帶搜索匪踪據探匪等在京屬小泉河艾家尖一帶搶擄憲成復前進
生擒張匪甲三及匪徒四名斃數名獲槍十餘枝自是人心稍安

自辛亥起義至民國二十三年官弁兵丁陣亡姓名有檔案可查者分錄於後

管帶 鄭雄飛 隊官 黃興武 正目 楊家騏 正目 趙萬朝 排長 羅光昌 排長 李文三

排長 管習兵 司書 張賡言

以上八名係辛亥在武漢陣亡者

教練 熊亮清 教練 歐錫五 教練 王寶卿 教練 龔漢雄 團董 呂祥安 隊目 周慶善

副團長 劉芳 分隊長 瞿陸 區長 李青雲 宣城人 夏啟華 隊長 傅瑤琴 隊長 楊德炳 紳首

以上十二名係民元以來官弁紳首在縣境勦匪陣亡者

團丁 張應鵬 沈德富 黃福田 馬開倫 丁朗齋 吳襄麟 歐仲山

崔國全 宋梅占 劉良才 廖百川 駱玉祥 黃克亮 邵國寶

劉傳山 賈從新 何國才 張榮山 郭自新 許光炳 陳興元

周正華 饒得勝 張青山 章雲臣 潘永建 陳興傑 吳立功

陳忠善 王大品 張開文 張占標 羅傳書 蕭道清 張心傑

王幼笙 胡中定 趙洪鈞 常得勝 張自得 鄔金標 夏得勝

王占勝 張金鳴 段義清 崔起光 唐雲峯 王漢清 郭小五

張寶元 董義山 戴吉昌 黎魁文 陳樹勳 王厚廷 曾吉美

從桂三 李漢清 蘇金林 張金魁 何炎臣 張選魁 黃家田

江德釗 姬占元 郭金奎 鄒敬之 周培華 周瑞章 楊正一

曹宜全 張新民

丁隊 胡邦祿 趙傳義 朱萬全 李士良 戈宗信 熊亮 鄭乃煊

馬兆桂 金華堂 謝心友

士警 夏明玉 左興發 高占標 鄧文章 尤占元 丁德勝 何傳金

以上八十九名係民元以來各項兵丁在縣境勦匪陣亡者

營長 張振聲 副連 金恒新 差遣 江授國 特務長 張瑤卿

以上四名係民元以來縣人充當陸軍官弁在外勦匪陣亡者

營兵 王金武 劉仁銀 劉洪聲 錢鳳山 張孟遠 丁春柯 李煥章

李漢民 陳大興 王金堂 張成五 涂 燊 李華山 譚廷延

周希回 李春山 李良浩 雲必華 鄭子騰 石立本

以上二十名係民元以來縣人充當陸軍兵丁在外勦匪陣亡者

民團

民團之設由來久矣唐乾符末永興刺史崔紹募民強雄者爲土團軍賊不敢犯即今日團練所自始宋紹興間詔民爲義勇其法取於主戶之雙丁編爲甲團教之以農隙餼之以官糧制甚善也元明及清如所稱毛葫蘆軍暨結隊自衛或築砦衛團等類皆成績卓著照耀簡編吾縣團練前史無徵其可攷者始於清嘉慶

初年及咸同之際白蓮教之亂舊志載義勇禦賊死者有六百餘人咸豐時嘗獎勵民團廣文武學額各二名至由地方官提倡有案可攷者則自同治五年始茲擇要分著於篇

清同治五年安陸知府覺羅同勳鍾祥知縣孫福海諭各鄉舉辦團練東北鄉居民距城遠憑砦自守米糧牲畜咸搬運入砦城西以襄河爲保障附近居民均徙入城於是城中倡立一元團挨戶抽派壯丁一人充勇設團防總局以舉人王景羲廩生李寶臣職員張秀升等董其事旗幟刀矛自備火藥燈油等物由地方官就近籌辦歸局按日支發府縣官會同武營帶練勇營兵登城防守堞口夜置一燈縣官督勇往來梭巡街道要險均運甄石竹木設卡以禦之

民國六年遵照公佈保衛團條例設保衛團總公所於縣公署由知事遴委士紳二人至三人爲正副辦事員辦理全縣保衛事宜時編民團爲八十四團其法十戶爲排有排長十排爲甲有甲長五甲爲保有保董至少兩保以上成爲一團設團

總一人團丁若干人而團總團丁及保董甲長排長等均係無給職

十一年奉令縮編以厚實力照本縣下級自治區域改併爲三十六團組織仍舊是時雖無抽收畝捐明文然實際上已按畝抽捐每畝年收一百文或二百文不等作爲團伙食

十三年復奉令歸併全縣民團改編爲十四清鄉團設團總一人由知事兼任其下有團董團佐排長等職各團丁均給伙餉月各約錢十串文團董團佐月各支薪水三四十串文不等自此漸變爲召募式矣

十五年冬由縣黨部改編爲人民自衛軍派指導員董其事

十六年冬由縣政府奉令改編爲保衛團常練隊其一切保衛事宜仍由縣政府內設保衛團總公所內設有正副辦事員各隊設有隊長等職襄助縣長負責辦理十八年遵照公佈條例將保衛團總公所改組爲保衛團常練隊大隊部內設大副隊長各一大隊長由縣長兼任副隊長由縣長遴送富有軍事學識者呈請民政

廳長委任並將全縣民團改編爲八中隊其法十人爲班有班長三班爲分隊有分隊長三分隊爲中隊有中隊長隸屬於常練隊大隊部是時實行抽收畝捐計每畝一角按月發餉蓋已略具軍隊雛形矣

二十一年春遵照團務委員會章則組織團務委員會負編制及籌款責任併將常練隊大隊部改爲總隊部設總副隊長各一總隊長仍由縣長兼任副隊長仍由縣長遴送報廳加委專負調遣剿匪之責是年冬又遵照保安隊條例改編爲保安隊計中隊十三獨立分隊有七各區團隊至此始實行統一於縣

二十二年改編爲十中隊組織仍舊

二十三年復改編爲八中隊是年冬又由第六區保安司令改編爲第三大隊共四中隊每一中隊三分隊隊丁每一中隊計四十二人統屬於區司令部縣長兼指揮官經費均由區司令核發各縣團隊至此又復實行統一於區

以上係舉民團概略此外又有保甲壯丁等名目雖爲自治而設然以戶口爲原

則以區域爲本位其組織與民團實相表裏而所負任務在巡察通信守護運輸工程消防等項與團防尤有密切之關係惟廿年以來區域既時有分台名稱亦不無異同關於此項法令紛如牛毛未遑殫紀茲就現在制度附於民團之後

一保甲全縣九百七十六保五十九聯保分隸十區此現制也先是十九年縣分六區一百六十餘鄉鎮其法五家爲鄰五鄰爲閭各以鄉鎮所屬分隸區長二十一年分六區爲十區以戶爲起點十戶爲甲十甲爲保計一千零四十八保至二十三年始併如今數計第一區一百六十三保第二區一百五十三保第三區六十三保均各編爲七聯保第四區五十三保第五區六十二保各編爲五聯保第六區一百零九保編爲六聯保第七區一百零九保第八區七十三保各編爲四聯保第九區一百三十保編爲八聯保第十區一百二十四保編爲六聯保合計五十九聯保隸屬於區區長承縣長命令率所屬負責辦理

一壯丁凡男子年在十八歲以上四十五歲以下者均爲聯丁全縣計五十九聯隊

九百七十六小隊其法一保爲一小隊設小隊長一人（保長兼）小隊附二人每一小隊分若干班每班十人至十五人設一班長一鄉或一鎮有兩保以上者聯台各保小隊爲一聯隊設聯隊長一人（聯保主任兼）聯隊附二人一區又合全區各聯隊爲一區隊設區隊長一人（區長兼）區隊附二人隸屬於縣縣台各區隊爲一總隊設總隊長一人（縣長兼）副隊長二人或三人專負指揮或調遣之責

碉砦

古無所謂碉砦也自西漢末年赤眉銅馬之屬荼毒生靈所過掃地焚宏第五倫輩多築營塹以自全此即碉砦所自始降及晉唐乃有臨主砦主壕砦使之名直等城邑設官置戍明季張李之亂河北居民曾連合小村築圍砦以自保清嘉慶初教匪掠秦蜀久不能下官乃教民立砦堅壁清野賊遂蕩平然則碉砦之足以衛人民防侵軼厥效亦大可見矣吾縣西南濱漢每值寇氛入境或可阻水自固

至迤北各鄉羣山環集則多借堡砦之力舊志稱東北故有八大砦爲昔時居民避亂之所西北一帶因山爲砦者亦往往而有計所載新舊各堡砦近四十所鄉人之爲自衛計者亦詳且周矣自髮捻既平境內粗安此項堡砦歲久頗廢鼎革以還萑苻滿野當局適頒構築碉砦之令命所在軍隊協助民衆以成其事於是各區紳民相度地勢凡向之有砦者從事增修其故無者創建之計十區共築碉砦百二十有一視昔時增三之二矣具詳如左

第一區碉砦三

一縣城外土城可容數萬人有外壕二十一年縣政府及駐在旅台建

二龍山報恩寺碉樓面積四方丈高三丈六尺可容四十餘人十八年本城商會新建

三永安砦即古放鷹臺在城東南四十里土築高一丈三尺深八尺外壕深寬俱六尺可容二千人二十二年砦務主任游希宗新建請派保安一分隊駐此時該

若工甫竣有匪千餘人來犯恃以抵禦斃匪數名餘匪遂遁曾蒙嚴縣長祥雯傳令嘉獎謂能於最短期間卓著成效云

第二區礮砦二 廢砦一

一白口鎮土砦在城南九十里可容四千人區公所設此二十一年區長蔣振民建

二鄭家集土砦旋築旋廢

第三區礮砦十有九 內有廢砦四

一黃家集土砦在城東六十里可容三千人區公所設此二十二年區長董超傑建礮樓一砌以磚可容軍隊一連

二萬壽砦在城東六十里周百有五十丈可容萬餘人距三泉砦十餘里舊志作四十里誤今重修

三天新砦疑即舊志龍鳳砦在城東六十里周百有六十丈可容數千人舊有今

重修 以上二砦在今天新鄉舊天長區地

四太平砦即舊志昇平砦在城東七十里周百有六十丈可容萬餘人砦務主任李榮生等合力重修

五花山觀在城東北七十里與牛角赫望兩砦成犄角之勢難民賴之二十一年紳民陳民廷等重修 以上二砦在今康平鄉舊長吉區地

六五寶山砦即舊志猴兒砦在城東百里可容五千人向稱避難天險二十一年紳民陳榮若等重修是歲豫匪過境四面環攻虜掠焚燒死亡過千砦廢

七民生砦在城東百里客店坡地土築可容二千人二十二年聯保主任邵棠軒新建牆周俱蓋有屋守城者咸稱便云 以上二砦在舊長吉區大河鄉地

八民安砦城東百二十里土築二十二年保甲長新建自此砦告成而老觀青柘等砦遂廢

九香雲砦即舊志城子砦在城東百二十里大洪山南清咸同年間鍾京兩邑居

民捐資合建今重修

十高家洞黃仙洞兩砦在城東百十里可容五百人舊有今聯保主任周慶剛等

重修以上四砦在今雙河鄉舊長吉區地

十一南新砦在城東百十里可容千人舊有今重修

十二天生砦在城東北百十里袁家坨東上六里地周一百餘丈可容三千人二

十二年保甲長等新建

十三青天砦在城東北百里彭家嶺地土築周二百丈可容四千人二十二年砦

務主任馬蘭芳聯保主任彭榮武等新建

時以雲霧砦廢而修此砦若有撥雲霧而見青天之勢故名青天砦

十四雲霧砦在城東北百十里周三百丈可容五千人山勢險峻四面斗絕居民

向恃為避難之所詎二十一年除臘匪乘雪夜潛入大肆焚殺砦務主任彭鳳魁

前驅捍衛奮不顧身遂遇害砦今廢

以上三砦在今雲霧鄉舊長吉區地

十五青峯飛鳳兩砦在城東北九十里兩砦距離甚近防守如常舊有今重修

按右列各砦除新建三土砦外餘皆因山爲險足資保障不失先王設險保民之意云

第四區礮砦二十有一

一中心砦在城東北百里周三百丈可容八千人區公所設在集西實倚作保障
二十二年區長曾景輝新建扼鍾隨之衝附砦礮樓八高二丈四尺縱二丈二尺
橫半之每樓上下可容三千餘人

二九華砦在城東北百二十里周五百餘丈可容數萬人二十二年砦務主任李

寶丞聯保主任田芷香李釜山等重修附礮樓五每樓可容二十人

按吳履謙碑文略云九華

寨古名雲峯禪寺又名崇真觀宋元以前不可考惟明萬曆石碣存焉然第略舉其概未詳始於何年創自何人聞之父老云明末清初土匪蜂起鄧北諸寨多被蹂躪惟九華獨全嘉道以後鄉人遂恃若長城歷次變亂均幸免於禍云云又咸豐九年石刻云九華砦八大砦之一也雙峰并峙高插雲天而山腰坦處有茂林有修竹有清泉可容駐千餘家八砦中最高勝明末多寇山砦俱破九華獨全誠哉天險之可憑也

三三華砦在城東北百十里可容千人舊有今重修

四圓和砦即舊志區砦在城東北百里周三百丈可容數萬人舊有今重修

五雍和砦在城北百十里向係圓和砦一部分二十二年保長宗建廷新建

六望湖山在城北百十里扼長河險半屬隨舊有今重修

七五龍觀在城北百里周百有七十丈可容數千人舊有今重修

八團山寨在城北百十里包家畝附近向係五龍觀一部分二十二年八月保長

包鍊九等新建以上二寨在舊豐隆區今百福鄉地

九謳樂寨在城北百十有五里周百有五十丈可容五千餘人舊有今重修

十平安砦土築在城北百里即板欖岡集市圍砦距謳樂砦五里許扼隨棗交通

樞紐二十二年九月聯保主任汪秀廷新建

十一和尚砦在城北百十有五里可容三百餘人舊有今重修以上三砦在舊豐亭區今歐集鄉地

十二清平砦在城北百二十里舊志距城七十里在花山東北誤周二百丈可容萬人舊有今重

修

十三雲臺觀即舊志雲觀砦在城北百二十里舊志縣東七十里距雙保砦一百四十里誤周二百丈

可容萬人半屬棗陽舊有今重修以上二砦在舊豐亭區今白鶴鄉地

十四雙保砦俗名雙砦子在城北百四十里周百有五十丈可容數千人舊有今

重修

十五都留砦在城北百三十里周二百丈可容萬餘人舊有今重修

十六鐵觀砦在城北百二十里周二百有十丈可容萬餘人舊有今重修半屬宜

城

十七華家砦在城北百里可容二千人舊有今重修以上四砦在舊豐亭區今歐化鄉地

十八馬頭砦在城北九十里周二百有七十丈可容萬餘人舊有今重修

十九沙河砦在城北七十里居沙河濱周約半里可容百餘家向係赫望砦一部

分二十三年紳民沈岷山沈天青蔣德菴等新建

二十赫望砦在城東北七十里舊志百里誤周百餘丈可容萬餘人舊有二十二年周

經五等重修

按黑旺舊名黑灣嘉慶六年重修趙助碑記略云近里有寨名曰黑麓

匪蜂起焚劫肆虐居民咸來趨避乃謀恢復遺址糾首諸公勤勞頗著工既竣備序

巔末壽之於石云兀起一峯四面皆崇山環峙略云飛谷可向稱黑灣東自太洪所

不能至相傳為前明舊址嘉慶初白蓮教之亂我曾祖敬宇公同寨屬諸先輩始構

殿而城焉咸豐甲寅秋李公振官吾邑籌辦團練改是寨為赫望赫然盛大也

人望者為萬夫之望俾公遜菴趙公也自道光庚子夏妖謠煽衆寨屬以沈公子廉厭

增舊警制復於寨西建一堡名曰六合已赫赫然為一鄉望也迨咸豐辛酉沈公緝以有

兵燹警集寨衆為禦侮之計勸富者出資貧者効力不浹旬得錢一千二百餘緡為

穀三百餘石貯之屬而任治之修理之資擇門殿恢擴寨垣又於六合堡特創大夏為

貧者寄物區復與五旗諸君子約曰公等各有一司有事則各率所轄齊集禦侮無

事則各安職業無滋事無構訟衆各唯由是全寨安堵如恒所謂十五人者禦侮無

遜菴張公德明劉公羽舒劉公不成周公鏡亭沈公安邦雷公廷清師公楚驕鍾公

傳禮陳公席珍趙公子成沈公履祥高公春廷周公唐明其一則予亦尾贅焉其督

率鳩庀與幫辦任事暨捐 賞出力姓氏俱載碑左

二十一龍角砦即牛角砦在城東北七十里周百有十丈可容數千人舊有今重

修按區內二十一砦除張家集中心砦板櫓岡平安砦沙河鄉沙河砦地勢稍為

平坦外餘俱山勢險峻足資捍禦

第五區碉砦十有四

一仁義砦在城北三十里周六百八十丈可容數萬人區公所設此二十一年紳民張渭珊等重修建碉樓五每樓上下可容三十餘人

二迴龍觀砦在城東三十里可容千餘人二十二年聯保主任張旭五重修

三三泉砦即紗帽山砦在城東七十里周二百丈可容八千餘人舊有今重修

四花山砦在城東北六十里周二百餘丈可容萬餘人舊有今重修

五中山砦在城東北六十里周百有八十丈可容數千人舊有今重修

六天保砦在城東北六十里可容千餘人二十一年紳民魏春臺新建

以上四砦俱舊長城

區今花山鄉地

七公益砦在城北六十里舊有今重修

八永安砦在城北六十里舊有今重修

九保安砦在城北五十里保長董福善新建

以上三砦俱舊長城區今永寧鄉地

十長壽堡即今長壽鎮在城北六十里有外壕周四百餘丈可容數千人舊有二

十年鎮長裴世德重修

十一靈蓬砦在城北六十里有外壕周二百六十有六丈可容二萬餘人舊有今

重修

十二團蓬砦在城北六十里有外壕周百有七十丈可容萬餘人舊有今重修上

三砦俱舊康樂鄉地同治五年孫福海團蓬砦火災記云鍾祥縣東北五十里有團蓬寺相傳為唐時所建國朝順治中邑人王第魁重新之嘉慶初居民環寺旁為砦

以避寇亂因命曰團蓬砦歲久頗傾圮近以寇警復即其故增築焉同治五年冬賊渠任添柱賴汝洸由豫犯湖北後以大衆趨鍾祥居民相率保砦中砦中故狹隘諸

避亂者結草為屋櫛比鱗次穀粟器物薪藁牛馬叢雜無隙地是時賊所至官軍常踵其後追擊賊倏忽去來不常十二月癸丑賊既北遁矣越二日除夕而團蓬砦火

草屋數百間一時焚燬又砦僅一門閉於火居民叢死焉事後檢遺斃其面目尚可辨識者親知昇歸為斂葬餘則衆為哀而瘞之名曰白骨塚先是寺旁故有白骨

塚蓋嘉慶中死寇亂瘞於此者二塚今崇然相望也今年秋余以籌修堡砦事過其地毛貢生漢章黃貳尹炳汪茂才培蘭為余述其事甚詳黃貳尹又言火滅後土人

於灰燼中見女屍覆一嬰兒猶呱呱泣急抱起膚髮并完好如故又一老僧火中眩買不自知何從出寺中舊藏董文敏金剛經散落數十里外尚有拾其殘編者

事皆異甚不可解汪茂才復言寺舊名廣濟今自嘉慶以來罹災禍者再得毋不當易今名宜從其朔耶余曰是或然然嘗竊怪是役也賊屢至薄郡城余幸賴太守覺羅同公之烈與同僚諸君暨邑人士之勞卒用固守城居人皆獲全其四境特堡皆爲衛者亦往往能保聚他間有死者然其生者或跳而免獨團蓬一皆慘酷乃至是豈禍是之來固亦有數存其間而不可逃者與抑以余所聞諸異豈冥冥之中猶有默主亂者大爲震懼以示其警戒與夫冥漠之故誠不可以意其然然難之既與生民之不幸而與於其間者惟謹身修行以冀或免於萬一此則人之所得以自盡者耳余既聞團蓬皆事而悲之又爲推求其然終以致余之意焉同治六年八月既望

榮成孫
福海記

十三關閘湖即舊志官莊湖在城北四十里舊有今重修

十四仙女廟砦在城東北四十里舊有二十二年聯保主任李作霖重修

第六區碣砦二十有三

一豐樂鎮圩砦在城北九十里有外壕周一百八十丈可容五千人舊有二十二年區長周先甲紳民安植三等重修區公所設此碣樓六每樓上下可容軍隊一
排

二冠山砦在城北九十里舊有二十二年紳民沈秉衡重修

三洪山砦在城北九十里舊有今重修舊志未載

四金籠砦即鷄籠砦在城北百里周二百丈可容萬餘人舊有今重修

五烏都砦在城北百四十里周百九十丈可容數千人舊有今重修

六焦山砦即舊志豐山砦在城北百里舊有今重修

七野鷄山砦在城北九十里周二百丈可容數千人舊有今重修

八仙居砦在城北百里周二百有十丈可容萬人舊有今重修

以上五砦在舊履豐區今自立鄉地

九王水砦在城北百里周二百丈可容數千人舊有今重修

舊志未載

十窄山砦在城北百二十里周百九十丈可容數千人舊有二十二年聯保主任

汪榮齋重修

十一姚家棚砦在城北百二十里周百八十丈可容數千人二十一年居民新建

以上三砦在舊履豐區今自治鄉地

十二蓮花砦在城北八十里周百八十丈可容數千人舊有今重修

十三董家砦在城北八十里周百丈可容二千人舊有今重修以上二砦在履豐區今蓮花鄉地

十四腰盆砦在城北百里周百丈可容二千人舊有今重修

十五輝遠砦在城北九十里舊有今重修

十六青龍砦即舊志王家大砦在城北九十里周百丈可容二千人舊有今重修

十七鍾英砦在城北百里舊有今重修舊志未載以上四砦在舊豐樂區今祥瑞鄉地

十八豐山嘴砦在城北八十二里周百二十丈可容數千人舊有二十二年區長

周先甲重修碉樓一可容軍隊一排舊志未載

十九同慶砦在城北八十里周百丈可容千餘人舊有二十二年紳民呂秋澄等

重修舊志未載以上二砦在舊豐樂區今豐山鄉地

二十張茂砦在城北九十里舊有今重修

二十一新砦在城北九十里二十二年八月區長周先甲新建以上二砦在舊豐樂區今五童鄉地

二十二保安砦在城北七十里舊有今重修舊志未載

二十三九龍砦在城北七十里舊有今重修舊志未載以上二砦在舊樂土區

第七區礮砦十有三

一王家集礮樓在城北百十里可容百人二十二年九月聯保主任劉摺紳建

二郭家冲礮樓在城北百里可容軍隊一排舊有居民重修以上二礮樓在舊屬陽區今保安鄉地

三彭家廟礮樓在城西北百里可容軍隊一排二十二年十月聯保主任蔡福臣

新建

四快活舖圩砦在城北百里二十二年紳民李吉占新建礮樓一可容軍隊一連

五趙家集礮樓在城西北八十里可容軍隊一排舊有居民重修

六茂大湖礮樓在城西北八十五里可容軍隊一排舊有居民重修

七李家坪礮樓在城西北百二十里可容軍隊一排舊有居民重修

八周家村礮樓在城西北百五十里可容軍隊一排舊有居民重修地接宜城

九跑馬場礮樓在城西北百十里可容軍隊一排舊有居民重修

十胡家集砦在城西北百里即區公所駐在地二十二年區長張璧華新建

十一龍會山砦在城西北百十里舊有今重修以上二砦在舊屬陽區今治平鄉地

十二湯泉山砦在城西北百二十里舊有今重修

十三龍尾山砦在城西北百四十里舊有今重修以上二砦在舊屬元區今公益鄉地

第八區礪砦十有八

一雙河鎮圩砦在城西北九十里即區公所駐在地礪樓二每樓可容軍隊二排

二十一年區長李青雲新建

二朱堡埠砦在城西北七十里有外壕舊有民間重修

三白泥河砦在城西二百二十里舊有二十二年紳民鄔丙南重修

四七邱園圩砦二在城西二百里舊有今重修以上三砦在舊屬麗區今智民鄉地

五錢家河砦在城西百八十里舊有今重修

六小錢溝砦二在城西二百三十里舊有今重修

七空心坪砦在城西二百里舊有今重修

八張家坪砦在城西二百里居民自築

以上五砦在舊清麗區今智利鄉地

按白泥河一帶即七邱園等處圩砦八座設在清麗一區所以掌握富漳鍾三

縣交通使匪不易竄擾也

九百倉砦在城西二百里舊有今重修

十娘子洞砦在城西北百三十里舊有二十一年區長李青雲重修

十一仙人砦在城西北百三十里舊有今重修

十二插旗山砦在城西北一百五十里舊有今重修

十三纜旗山砦在城西北一百四十里舊有今重修

十四雨霖山砦在城西北一百三十里舊有今重修

以上五砦在舊陽舒區今永和鄉地

十五栗溪砦在城西北百八十里舊有今重修

十六西莊河砦在城西北百八十里舊有今重修

以上二砦在舊清麗區今十邑鄉地

第九區碉砦有六

一吳家集碉樓在城西六十里可容軍隊二排二十一年區長閻少伯新建

二青龍山砦在城西五十里舊有今重修

以上二碉砦在舊陽和區今光煥鄉地

三冷水舖砦在城西六十里區公所設此二十一年區長閻少伯新建

四大廟集砦在城西十里亦閻少伯所新建

五桂頂山砦俗名奎頭山在城西若干里周里許舊有今重修

六三尖山砦在城西六十里周三里今重修

第十區碉砦有二

一石牌鎮圩砦在城西南六十里可容六千人區公所設此二十二年前分區團

長祝瑞廷新建

二皮家集砦在城西南七十里二十二年區長張謙新建碉樓一可容軍隊一排

論曰觀右所列官與民皆兢兢軍政一途亦庶幾有備無患矣然而兵事猝起受患

甚烈抑獨何與夫兵事與地理相表裏前既述厥梗概矣吾縣毘隨連棗密邇南當自東北至西北羣山叢錯每當多事之際伏莽乘墉防不勝防明督師楊嗣昌請就馬鞍山築城控制荆襄而清乾隆間以荆門麗陽來屬移仙居巡檢駐之似皆能得形勝所在所惜嗣昌之議未見施行麗陽塘汎寥寥無補實際懲前毖後果於斯二者加之意焉或亦防患未然之道乎是所望於後之留心武備者

鍾祥縣志卷之十

典禮



記曰安上治民莫善於禮禮制不飭民心胡肅願禮以時爲重一代之興必有一代之制其大經大法燦然具備下至州縣亦制爲祭祀飲射讀瀆賓興之禮俾有司與所在士民以時遵而行之其所以明民之意厚矣民國肇造百廢待興修明典禮有志未遑中央所已頒佈者不過聖誕紀念及關岳合祀數種之儀則而已茲編遵錄現制兼採舊儀分目二曰祀典曰鄉儀俾後之欲修古禮者有所考焉

祀典

文廟祀典

自漢高祖過魯以太牢祀孔子歷代尊崇孔教有加無已至明世宗改大成至聖文宣王爲至聖先師孔子易塑像以木主高二尺三寸七分濶四寸厚七分座高四寸長七寸厚三寸四分硃地金書前清仍之祭品祭儀皆遵部頒定詳列於左

至聖位前白色帛一牛一羊一豕一登一實以太羹 鉶一實以和羹 簋二一實以黍稷 簋二一實以稻粱

十餅形鹿脯菱茨白餅 豆十韭菹芹菹筍菹醢魚醢脾析豚胎 白磁爵三酒罇一

四配各一壇帛一白色羊一豕一鉶一簋二簋二籩八減黑餅 豆八減脾析 白

磁爵三酒罇一

十哲東西各二壇帛一白色豕一鉶各一簋各一籩各一籩各四形鹽栗 豆各四

菁菹鹿醢 白磁爵三酒罇一

兩廡東西各三壇帛一白色豕三簋各一籩各一籩各四豆各四銅爵各四酒罇

一

凡遇祭主祭官陪祭官及執事人等學官於前三日列姓名榜送縣用印張貼學

宮俱散齋三日致齋一日先期詣

文廟階下行一跪三叩禮省牲滌器至日五鼓三嚴階設庭燎各官公服詣

崇聖祠行二跪六叩禮三獻訖知縣正獻

先師暨四配教諭訓導分獻東西十哲縣丞典史分獻東西兩廡武職官陪祭官俱序立大成門右考鐘伐鼓贊引導正獻官盥洗詣階下立樂舞生魚貫而進典儀唱樂舞生就位執事官各司其事分獻官陪祭官就拜位立分獻官隨後立典儀唱闕戶迎神舉迎神樂奏咸平之章樂作贊引生贊跪叩興承祭官分獻官俱行三跪九叩禮樂止典儀唱獻帛行初獻禮舉初獻樂奏寧平之章樂作有舞贊引生贊升壇導承祭官由東階上進殿左門贊引生贊詣

至聖先師位前行一跪一叩禮贊獻帛捧帛生跪進承祭官接帛拱舉獻贊獻爵執爵生跪進承祭官接爵拱舉獻畢行一跪一叩禮贊引生贊詣讀祝位立讀祝生至祝案前一跪三叩首捧祝版立於案左樂止贊跪承祭官讀祝生暨各官俱跪贊讀祝讀畢捧祝至正位前案上跪安帛匣內三叩首退樂作贊承祭官及各官行三叩禮贊詣

復聖顏子位前承祭官就案前立贊行一跪一叩禮贊獻帛獻爵如前儀畢行一

跪一叩禮贊詣

宗聖曾子

述聖子思子

亞聖孟子位前如前儀其十哲兩廡分獻官俱照前儀行禮畢贊引生贊復位承祭官分獻官仍詣

至聖先師位前立樂止典儀唱行亞獻樂禮舉亞獻樂奏安平之章樂作有舞贊陞壇獻爵於左如初獻儀贊復位承祭官分獻官各復位立樂止典儀唱行三獻禮舉三獻樂奏景平之章樂作有舞贊陞壇獻爵於右如亞獻儀贊復位立樂止典儀唱飲福受胙贊詣受福胙位承祭官至殿內立捧福胙生二員捧至正位案前拱舉至飲福胙位右旁跪接福胙生二員在左旁跪贊跪承祭官跪贊飲福酒承祭官受爵拱舉授接爵生贊受福胙承祭官受胙拱舉授接胙生畢贊行三叩禮贊復位立唱行謝福胙禮贊承祭官及各官行三跪九叩禮典儀唱徹饌舉徹饌

樂奏咸平之章樂作徹訖樂止典儀唱送神舉送神樂奏咸平之章樂作贊承祭官及各官行三跪九叩禮樂止典儀唱奉祝帛饌各詣燎位捧祝官捧帛生至各位前一跪三叩首捧起祝文在前帛次之捧饌生跪不叩首捧起在後俱送至燎位承祭官退西旁立候祝帛饌過仍復位立典儀唱望燎舉燎樂與送神同樂作贊詣望燎位導承祭官至燎位立祝帛焚訖贊禮畢樂止闔門退

祭文 維師德隆千聖道冠百王揭日月以常行自生民所未有屬文教昌明之會正禮和樂節之時辟雍鐘鼓咸恪薦於馨香泮水膠庠益致嚴於籩豆茲當仲祇率彝章肅展微忱聿將祀典以

春秋

復聖顏子

宗聖曾子

述聖子思子

亞聖孟子配尚

饗

清雍正三年頒定樂器編鐘十六編磬十六琴六瑟四簫六笛六排簫二架壘二箎四笙六應鼓一搏拊鼓二柷一敔一木笏六麾幡二旌節二羽籥三十六

乾隆六年奉文飭定佾舞生三十六名樂工五十二名糾儀官二名禮生十名部

頒佾舞生服式丁祭用藍衫雀頂與生員一體

迎神咸平之章 無舞

大太四 哉南工 至林尺 聖仲上 道太四 德仲上

尊林尺 崇仲上 維南工 持林尺 王仲上 化太四

斯林尺 民仲上 是黃合 宗太四 典黃合 祀太四

有仲上 常林尺 精南工 純林尺 並太四 隆仲上

神黃合 其南工 來林尺 格仲上 於林尺 昭仲上

聖黃合 容太四

初獻寧平之章 有舞

自太四 生仲上 民林尺 來仲上 誰太四 底黃合 其仲上

盛太四 惟南工 師林尺 神仲上 明太四 度黃合 越太上

前仲上 聖太四 粢仲上 帛太四 具仲上 陳林尺 禮黃合

容太四 斯林尺 稱仲上 黍太四 稷南工 非黃六 馨林尺

維南工 神林尺 之仲上 聽太四

亞獻安平之章 有舞

大太四 哉仲上 聖黃合 師太四 實南工 天林尺 生仲上

德太四 作仲上 樂太四 以仲上 崇林尺 時仲上 祀太四

無林尺 斨仲上 清黃六 酌南工 惟仲上 馨仲上 嘉林尺

牲仲上 孔黃合 碩太四 薦太四 羞南工 神黃六 明林尺

庶南工 幾林尺 昭仲上 格太四

三獻景平之章 有舞

百仲上 王南工 宗林尺 師仲上 生林尺 民仲上

物太四 軌黃合 瞻黃合 之南工 洋林尺 洋仲上

神林上 其仲上 寧太四 止黃合 酌太四 彼黃合

金林尺 疊仲上 惟南工 清林尺 且太四 旨仲上

登仲上 獻太四 維林尺 三仲上 於黃六 嘻南工

成林尺 禮仲上

徹饌咸平之章 無舞

犧仲上 象太四 在仲上 前林尺 豆太四 籩仲上

在黃合 列太四 以太四 享南工 以林尺 薦仲上

既仲上 芬林尺 既太四 潔仲上 禮黃合 成太四

樂仲上 備太四 人南工 和林尺 神林上 悅太四

祭黃合

則太四

受仲上

福林尺

率黃合

遵南工

無林尺

越仲上

送神咸平之章 望燎同

有太四

嚴南工

學林尺

宮仲上

四黃合

方太四

來仲上

崇太四

恪黃六

恭南工

祀林尺

事仲上

威南工

儀林尺

雝仲上

雝太四

歆仲上

茲林尺

惟南工

馨林尺

神仲上

馭太四

還林尺

復仲上

明黃六

禋南工

斯林尺

畢仲上

咸南工

膺林尺

百仲上

福太四

舞譜初獻

自 稍前向外開簷舞

生 蹈向裡開簷舞

民 合手躡朝上

來 起辭身向外高舉簷而朝

誰 兩兩相對躡東西相向

底 合手躡朝上

其 正揖

盛 起平身出左手立

惟 兩兩相對自下上東西相向

師 稍前舞舉箏垂翟

神 中班轉身東西相向立惟兩中
班十二人轉身俱東西相向

明 舉翟三合箏

度 稍前向外垂手舞

越 蹈向裡垂手舞

前 向前合手謙進步雙手合箏

聖 回身再謙退步側身
向外高手回面向上

桑 正蹲朝上

帛 稍舞躬身挽手側身向
外呈箏耳邊面朝上

具 正揖

成 起辭身挽手復舉箏正立

禮 兩兩相對交箏兩班俱東西手
執箏

容 正揖

斯 向外退挽手舉箏向外面朝上

稱 回身正立

黍 稍前舞

稷 正蹲朝上

非 左右垂手兩班上下
俱雙垂手東西相向

馨 起合手相向立

惟 左右側身

神 右側身垂手相向垂手舞

之 正揖朝上

聽 躬而受之躬身朝上拱
籥而受之三鼓畢起

亞獻

大 左右進步向外垂手舞

哉 右向裡垂手舞

聖 向外落籥面朝上

師 退向正身立

實 正尊

天 起身向前轉向外舞

生 向裡舞

德 合手謙進步向前雙手合籥存謙

作

兩兩相對自下而上
兩班相對舉籥東西

樂 上下俱垂手惟兩中班上十
二人俱垂手轉身東西相向

以 轉身東西相向立

崇 相向立兩班上下以翟相籥

時 稍前舞蹈兩班上下俱垂手向外

祀 向裡垂手舞

無 合手謙進步向前垂手合籥

數 回身再謙兩班上下東西相向合籥立

清 稍前舞向外開籥翟

酌 向裡舞

惟 雙手平執籥翟開籥翟

馨 合籥翟朝上正立

嘉 側身垂左手兩班俱垂手向外舞 牲躬身正揖

孔 雙手舞籥程躬身 碩躬而受之躬身朝上拱籥受之一鼓而起

薦 一叩頭舉右手叩頭 羞舉左手叩頭

神 復舉右手叩頭 明拜一鼓畢即起躬身三鼓平身

庶 三舞蹈舉籥向左躬身舞 幾舉籥向右躬身舞

昭 舉籥復左躬身舞 格拱籥躬身而受之

三獻

百 向外開籥舞 王向裡開籥舞

宗 側身向外面朝上 師朝上正堂

生 兩班上下兩兩相對交籥 民合手朝上正踞

物 側身向裡落籥 軌合籥朝上正立

瞻 向外開籥舞 之向裡開籥舞

洋 開籥朝上正立

洋 合籥

神 向外開籥舞

其 向裡開籥舞

寧 進步向前雙手合籥

止 回身東西向手謙

酌 向外開籥舞

彼 向裡開籥舞

金 開籥朝上正立

罍 合籥朝上正立

惟 向外垂手舞

清 向裡垂手舞

且 朝上正揖

旨 躬身而受之

登 躬身向左合籥舞

獻 躬身向右合籥舞

惟 躬身復向左右籥

三 合籥朝上拜一鼓便起身

於 側身向外垂手舞

嘻 側身向裡垂手舞

成 朝上正揖

禮 躬身朝南受之三鼓畢起身

鼓聲既嚴旌節前導魚貫而進列行於階下左右相向聽節生唱奏某樂舞則散

而為揖唱舞止則聚而為成凡歌一闋則舞一成奠帛三獻共四成始終共六變起於中而散於中初變在綴之中東西立象尼山毓聖五老降庭再變而為佾數稍前進象筮仕於魯而魯治三變而東西分象歷聘列國而四方化四變稍退後象刪述六經告備於天五變而左右象講論授受傳道於賢六變而復歸於綴中

東西立象廟堂尊享弟子列配

俱本太學志

崇聖祠祭五壇爵鉶簠簋籩豆牲帛視四配配位每位一壇帛及籩豆簠簋視十哲爵用銅牲用豕首豕肉各一減鉶羹從祀位東西二案祭品視兩廡銅爵三牲豕肉一其儀注同正殿惟不用樂

崇聖祠祭文 惟王奕葉鍾祥光開聖緒聖德之後積久彌昌凡聲教所覃敷率循源而溯本宜肅明禋之典用申守土之忱茲屆春秋仲聿修祀事配以先賢顏氏先賢曾氏先賢孔氏先賢孟孫氏尙饗

名宦鄉賢二祠同時分祭儀同兩廡祭品帛一羊一豕一

前清康熙三年奉文建忠義孝弟祠於學宮內建節孝祠於學宮外亦同時分祭儀視兩廡略同祭品帛一羊一豕一

忠孝祠祭文 惟靈賦性貞純躬行篤實忠誠奮發貫金石而不渝義問宣昭表鄉閭而共式祇事懋彝倫之大性摯我蒿克恭念天顯之親情殷慕模楷咸推夫懿德綸恩特闡其幽光祠宇維降歲時式祀用陳樽簋來格几筵

節孝祠祭文 惟靈純心皎潔令德柔嘉矢志完貞全閨中之亮節竭誠致敬彰閩內之芳型茹冰蘖而彌堅清操自勵奉盤匱而匪懈篤孝傳徽絲綸特沛乎殊恩祠宇昭垂於令典祇循歲祀式薦罇醪

民元以後祀孔典禮興廢不時二十三年七月五日國民政府行政院據湖北士紳楊承禧程國璠等呈懇通飭各省縣興修孔廟規復祀典開第四屆中央執行委員會常務會議通過

先師孔子誕辰紀念辦法如左

一紀念日期八月二十七日

二紀念日名稱先師孔子誕辰紀念

三孔子事略先師孔子名丘字仲尼魯人幼年即志於學壯遊四方闡揚堯舜禹湯文武周公救世致治忠恕一貫之道晚年後刪詩書定禮樂贊周易修春秋垂法後世爲儒家之祖歷代尊爲師表國父孫中山先生亦每推崇不置先師生於民國紀元前二四六二年（周靈王二十一年）卒於同紀元前二三九〇年（周敬王四十一年）享年七十有二

四紀念儀式是日休假一天全國各界一律懸旗誌慶各黨政軍警機關各學校各團體分別集會紀念並由各地高級行政機關召開各界紀念大會

五宣傳要點(1)講述孔子生平事略(2)講述孔子學說(3)講述國父孫中山革命思想暨孔子之關係

附先師孔子誕辰紀念會秩序單

一全體肅立

二奏樂

三唱黨歌

四向黨國旗 總理遺像及 孔子遺像行三鞠躬禮

五主席恭讀 總理遺囑

六主席報告紀念孔子之意義

七演講

八唱孔子紀念歌

九奏樂

十禮成

孔子紀念歌 中央第一四零次常會通過

二十四年一月十九日由省府頒發到縣

G 調 $\frac{4}{4}$ 拍子 莊 嚴 1=90

$\underline{\underline{5}}$ | $\underline{\underline{1.6}}$ $\underline{\underline{1}}$ $\underline{\underline{5}}$ $\underline{\underline{0}}$ | 3 3 2 $\overset{\cdot}{5}$ | $\underline{\underline{23.2}}$ $\underline{\underline{20}}$ $\underline{\underline{512}}$ $\overset{\cdot}{5}$

大 道 之 行 也， 天 下 爲 公； 選 賢 與 能。講 信 修 睦

$\underline{\underline{5}}$ $\underline{\underline{5}}$ $\underline{\underline{1.5}}$ $\underline{\underline{1.2}}$ $\underline{\underline{3}}$ $\underline{\underline{0}}$ | $\underline{\underline{151.3}}$ $\underline{\underline{205}}$ | $\underline{\underline{5}}$ $\underline{\underline{1.}}$ $\underline{\underline{5}}$ $\underline{\underline{3}}$ $\underline{\underline{5}}$

故 人 不 獨 親 其 親， 不 獨 子 其 子； 使 老 有 所 終 壯

$\underline{\underline{1.3.}}$ $\underline{\underline{2}}$ — $\underline{\underline{3}}$ $\underline{\underline{2}}$ $\underline{\underline{3}}$ $\underline{\underline{4}}$ | 5 6 7 5 | $\underline{\underline{2767}}$ | $\underline{\underline{2.}}$ $\underline{\underline{2}}$ | $\underline{\underline{5.5}}$ $\underline{\underline{32}}$ $\underline{\underline{5}}$

有 所 用。 幼 有 所 長

$\underline{\underline{5}}$ $\underline{\underline{05}}$ $\underline{\underline{050}}$ $\underline{\underline{50}}$ | $\underline{\underline{3}}$ $\underline{\underline{4}}$ $\underline{\underline{5}}$ $\underline{\underline{06}}$ | $\underline{\underline{5}}$ $\underline{\underline{43}}$ $\underline{\underline{2}}$ — | $\underline{\underline{321}}$ $\underline{\underline{7}}$ — | $\underline{\underline{2176}}$

矜 寡 孤 獨， 廢 疾 者， 皆 有 所 養。

$\underline{\underline{5.}}$ $\underline{\underline{150}}$ | $\underline{\underline{1.}}$ $\underline{\underline{230}}$ | $\underline{\underline{5}}$ $\underline{\underline{0}}$ $\underline{\underline{6}}$ $\underline{\underline{5}}$ $\underline{\underline{671.}}$ $\underline{\underline{6}}$ | $\underline{\underline{5}}$ $\underline{\underline{0}}$ $\underline{\underline{2}}$ $\underline{\underline{2123}}$

男 有 分， 女 有 歸。貨 惡 其 棄 於 地 也 不 必 藏 於 己

$\underline{\underline{5}}$ $\underline{\underline{0}}$ $\underline{\underline{65}}$ $\underline{\underline{671.}}$ $\underline{\underline{6}}$ | $\underline{\underline{5.}}$ $\underline{\underline{0}}$ $\underline{\underline{5}}$ $\underline{\underline{132}}$ | $\underline{\underline{5.5}}$ $\underline{\underline{15}}$ | $\underline{\underline{12}}$ $\underline{\underline{3}}$ | $\underline{\underline{0}}$ $\underline{\underline{32}}$

力， 惡 其 不 出 於 身 也， 不 必 爲 己。是 故 謀 閉 而 不 興！ 盜 竊

$\underline{\underline{1}}$ $\underline{\underline{5}}$ $\underline{\underline{1}}$ $\underline{\underline{23}}$ | $\underline{\underline{2}}$ $\underline{\underline{2}}$ $\underline{\underline{3}}$ $\underline{\underline{2320}}$ | 2 — 3 — | 2 — 1 —

亂 賊 而 不 作！ 故 外 戶 而 不 閉 是 謂 大 同！

金
市
集
卷
九

附列四配十哲及兩廡先賢先儒姓名

東配

復聖顏子

述聖子思子

西配

宗聖曾子

亞聖孟子

木主高一尺五寸濶三寸二分厚六分赤地墨字

東哲

先賢閔子損

冉子雍

端木子賜

仲子由

卜子商

有子若

西哲

先賢冉子耕

宰子予

冉子求

言子偃

顓孫子師

朱子熹

木主高一尺四寸濶二寸六分厚五分赤地墨字

清康熙五十一年進朱子次十哲乾隆元年進有子次十哲

東廡

先賢蘧子瑗

澹臺子滅明

原子憲

南宮子适

商子瞿

漆雕子開

司馬子耕

商子澤

梁子鱣

冉子儒

伯子虔

冉子季

漆雕子徒父

漆雕子哆

公西子赤

任子不齊

公良子儒

公肩子定

鄔子單

罕父子黑

榮子旂

左人子郢

薛子邦

原子亢

廉子潔

叔仲子會

公西子輿

邽子巽

陳子亢

琴子張

步叔子乘

秦子非

顏子噲

顏子何

縣子亶

樂正子克

萬子章

周子敦頤

程子灝

邵子雍

先儒公羊子高

伏子勝

董子仲舒

后子蒼

杜子子春

諸葛子亮

王子通

范子仲淹

歐陽子修

楊子時

羅子從彥

李子侗

呂子祖謙

蔡子沈

陳子淳

王子柏

魏子了翁

趙子復

吳子澄

許子謙

胡子居仁

王子守仁

羅子欽順

西廡

先賢林子放

宓子不齊

公冶子長

公皙子哀

高子柴

樊子須

巫馬子施

顏子辛

曹子邴

公孫子龍

秦子商

顏子高

壤駟子赤

石作子蜀

公夏子首

后子處

奚容子藏

顏子祖

句井子彊

秦子祖

縣子成

公祖子句茲

燕子伋

樂子欸

狄子黑

孔子忠

公西子葳

顏子之僕

施子之常

申子楨

左子邱明

秦子冉

牧子皮

公都子

公孫子丑

張子載

程子頤

先儒穀梁子赤

高堂子生

孔子安國

毛子萇

鄭子康成

范子甯

韓子愈

胡子瑗

司馬子光

尹子焯

胡子安國

張子枳

陸子九淵

黃子幹

眞子德秀

金子履祥

何子基

趙子復

陳子濬

許子衡

薛子瑄

陳子獻章

蔡子清

陸子龍其

木主規制同十哲

兩廡從祀始自唐貞觀時明嘉靖九年從祀九十人其先賢先儒俱遵當時釐定
附列崇聖祠先賢先儒姓名

崇聖祠

清雍正元年奉諭加封 孔子五代改啟聖祠為崇聖祠

肇聖王木金父公 位中

裕聖王祁父公 位左

詒聖王防叔公 位右

昌聖王伯夏公 又左

啟聖王叔梁公 又右 俱南向

木主規制同四配

配享

先賢顏氏無繇

孔氏鯉俱南向

曾氏蔽

孟孫氏敷俱東向

先儒周氏輔成

程氏珣

蔡氏元定俱西向

張氏迪

朱氏松俱東向

木主規制同十哲

附列名宦鄉賢兩祠姓名

名宦祠祀周召穆公晉羊祜梁韋叡庾域歐陽頎蕭秀唐令狐楚許渾宋朱台符
李昉尹洙范致虛李誠之邊居誼張世傑岳飛趙文義元丑閔明高第吳復馮勞
謙余彥誠葉秉敬顧璘蕭漢范復元吳尙默沈壽崇方向包節范昕孫文龍葛祀
瞻張天復宋一鶴清蔣永修楊素蘊賈濬張道祥吳毓珍葉映榴吳璵劉兆麟郭
世隆額倫特張朝珍劉顯謨李會生金德嘉共四十九人

鄉賢祠祀春秋楚鬬穀於菟孫叔敖申包胥伍員芟冒勃蘇屈平宋玉宋別之傑

黎亨繼明郝敬孫交沈文華曾遜姚善曾省吾曾發祥曾鐸劉洪劉槩張漢商大節錢錞周憲清高登先曾蟠王第魁劉誼黃本敬共二十八人

武廟祀典

自唐宋以來尊祀關公由侯而王而帝累朝褒崇彌陟彌上前清順治九年勅封忠義神武關聖大帝歲五月十三日致祭所在郡縣春秋二仲祠祀牲用太牢又追崇三代封以上公皆始雍正三年歲凡三祭祭之前期齋戒省牲視器祭日先詣後殿行禮衣公服等儀一如丁祭惟於殿內加上香而奏樂樂章無考其祭品用素帛一筐牛羊豕各一籩豆各十惟五月加時果五品後殿三壇每壇用帛筐一豕一羊一籩豆各八

武廟祭文惟帝浩氣凌霄丹心貫日扶正統而彰信義威震九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異蹟顯佑羣生恭遇嘉辰遵行祀典筵陳俎豆几奠牲醪

後殿光昭公裕昌公成忠公祭文惟公世澤貽庥靈源積慶德能昌後篤生神武
之英善則歸親宜享尊崇之報列上公之封爵錫命優隆合三世以肇禋典章明
備恭諷吉日祇事薦馨

民國四年內務部頒各地方關岳廟祭禮

殿內正位左奉

關壯穆侯右奉

岳忠武王均南嚮

兩序從祀奉

歷代忠武將士 張 飛 王 濬 韓禽虎 李 靖 蘇定方 郭子儀

曹 彬 韓世忠 旭烈兀 徐 達 馮 勝 戚繼光 東位西嚮 趙

雲 謝 立 賀若弼 尉遲敬德 李光弼 王彥章 狄 青 劉 錡

郭 侃 常遇春 藍 玉 周遇吉西位東嚮均北上

祭期歲以春秋分節氣後第一戊日由註註在該地方各文武推官職較高者一人

親詣敬祭

官職相等者皆為陪祭如將軍祭則巡按使為陪祭之類

官職較次者二人東西序分獻糾儀以

軍官警官各一人執事人各以其屬及地方官紳學校教員學生之嫻禮儀者選

充在該地方各軍官警官及兼有軍警職各文官一體與祭其餘同城文官均不

另祭

按主祭之官現已不分文武與祭者位次之東西則應視主祭官之為文為武文職主祭則凡與祭文職皆東列武職皆西列武職主祭則凡與祭武職

皆東列文職皆西列此又揆情度勢之不可稍沙拘牽者

祭之前一日齋戒是日昧爽執事官潔蠲殿內外藉以櫻薦拂拭

神座張幄次於廟門內階下之左南嚮殿上

正位籩豆案二其前香案二又前統設俎一皆南嚮東序一龕西嚮西序一龕東嚮

籩豆案各四統設俎香案東西各一殿中少東祝案一北嚮東尊桌一接桌一西

尊桌一接桌一祴桌一均北嚮

正位神龕旁饌桌東西各一南嚮

東序從祀位十二籩豆案三每案四位統設俎香案各一均西嚮

西序從祀位十二籩豆案三每案四位統設俎香案各一均東嚮兩旁各設饌桌一東

西嚮凡桌案均施紅桌衣立墜坎於

神位西北

供張既備執事官大禮服敬書祝版用白紙黑書潔室安奉遂詣宰牲所省牲既宰宰

人以鸞刀割牲遂戒具視滌漑辨籩豆簠簋之實以次展於饌所將事之夕夜半

執事官率屬入具器陳

正位籩豆案上各爵墊一其前各登一實以太羹鉶二實以和羹簠二實以稻梁簋二實以黍稷籩十

實以形鹽藁魚棗栗榛豆十實以非菹醢統設俎實牛一羊一豕

一香案上設鑪一燭臺二

兩序從祀位每案爵墊一爵三實以酒鉶一實以和羹簠一實以黍簋一實以稷籩四實以形鹽

棗栗鹿脯豆四實以菁菹鹿醢鑪二東西統設俎各實羊一豕一香案上各設爵墊一鑪

一燭臺二帛二尊二皆正位東爵六正位東序設東尊桌接桌上帛二尊二皆正位西序

爵六正位西序設西尊桌接桌上各三罍勺具蜃器一實祴設祴桌上凡帛皆

白色設洗於幄次之外司樂設樂懸於殿外階上罇鐘一特磬一編鐘十有六編

磬十有六琴一瑟四簫四篴四排簫二塤二笙四建鼓一搏拊一祝一敔一

干戚三十有六麾一旌二東西分列如儀

陳設畢執事官引陪祭一人入廟周省盥盛及遷豆登鉶之實如儀

正祭日屆時正獻以下皆具祭服集致齋所正獻盥手閱祝版署名訖司祝近奉

於祝案俟鼓三嚴贊引引正獻入武成門左門分贊引分獻傳贊引與祭員隨入

典儀贊樂舞生就位執事員各司其事贊獻官就位正獻分獻及與祭員各就拜

位北向立贊迎

神司樂贊舉迎

神樂奏建和之章贊引贊再拜傳贊贊衆官皆拜正獻分獻及與祭員皆行再拜禮

跪拜再拜興樂止典儀贊奠帛爵行初獻禮司樂贊舉初獻樂奏安和之章司帛爵捧帛爵各進

神位前立樂作贊引贊詣奠爵位引正獻入殿左門詣

關壯繆侯帛案前立贊奠帛正獻受帛拱舉仍授司帛奠於案正中退贊詣獻爵位引正獻詣

關侯爵案前贊獻爵正獻受爵拱舉仍授司爵奠於爵奠正中退贊詣奠帛位引正獻詣

岳忠武王帛案前奠帛贊詣奠爵位引正獻詣

岳王爵案前獻爵均如前儀贊復位引正獻仍由殿左門出復拜位立分贊引兩序分獻入殿左右門各就案前立受帛爵拱舉仍授司帛爵獻於案上退司祝就祝案前捧祝版至案西先立樂暫止贊引贊詣讀祝位引正獻進殿左門詣讀祝位正立典儀贊讀祝司祝讀祝畢正獻受祝版拱舉仍授司祝司祝奉祝版至

關侯位前安於篚內退樂復作贊引贊復位引正獻出殿左門復拜位立樂止典儀贊行亞獻禮司樂贊舉亞獻樂奏靖和之章樂作司爵捧爵分詣

神位前拱舉各奠於左退樂止典儀贊行終獻禮司樂贊舉終獻樂奏康和之章樂作司爵捧爵仍分詣

神位前拱舉各奠於右退樂止典儀進至殿東西向立贊受祴退贊引贊詣受祴位引正獻進殿左門詣受祴位正立司祴執祴至

正位前拱舉退立於正獻之左接祴進立於右贊引贊受祴正獻受祴拱舉授於右贊復位引正獻出殿左門復拜位立贊再拜傳贊贊衆官皆拜正獻以下皆行再拜禮如前典儀贊徹饌司樂贊舉徹饌樂奏蹈和之章樂作司爵各進

神位前徹籩豆各一少移故處退樂止典儀贊送

神司樂贊舉送

神樂奏揚和之章樂作贊引贊再拜傳贊贊衆官皆拜正獻以下仍皆行再拜禮如

前樂止典儀贊奉祝帛送瘞司祝帛爵各進

神位前恭捧祝帛酒饌依次送往瘞所時贊引贊正獻轉立西旁俟祝帛過畢仍引復拜位立樂作司瘞數帛典儀贊禮成贊引贊正獻出武成門左門分獻以下隨出至致齋所樂止正獻以下更衣各退

祝辭 惟某年月日某地方某官敬祭於

關壯繆侯

岳忠武王曰惟

神武功彪炳偉烈昭垂建大節於千秋振英風於六合忠誠正直麗河嶽而長流智仁勇功與日月而並耀潔馨香而合祀德量同符肅俎豆以明禋心源如接惟

祈

歆享克鑒精誠尙

嚮

樂章樂舞 迎

神樂奏建和之章辭曰懿鑠兮神功震華夏兮英風義勇兮河東惟湯陰兮與同修
祀典兮方州佇降歆兮闕宮奠帛初獻樂奏安和之章辭曰神來兮格思風馬下
兮靈旗量幣兮初陳薦芳馨兮玉卮通瞻仰兮明威儼如在兮軒墀舞干戚之舞亞
獻樂奏靖和之章辭曰萬舞兮洋洋禮再舉兮陳觴靈昭昭兮既留庶鑒誠兮降
康舞同初獻終獻樂奏康和之章辭曰名世兮鍾靈炳河嶽兮日星祀事兮三成
肅駿奔兮廟庭舞同亞獻徹饌樂奏蹈和之章辭曰告徹兮禮成神其受兮苾芬
明德兮惟馨播聲威兮八紘送

神樂奏揚和之章辭曰雲駕兮高翔神將歸兮九閭受福兮蒸民導我武兮惟揚

普通祀典

社稷壇 按通典頌頊祀共工氏子勾龍爲社烈山氏子柱爲稷商以后稷代柱後
代因之鄭康成謂社稷乃五土原隰之神而后稷勾龍以功配則所主不同漢以

禹代之明又以禹既祀歷代帝王稷亦祀先農遂罷配享專祀土穀爲社稷郡縣
悉得舉行祭以春秋上戊至今不易將祭前期齋戒省牲視滌如儀至日贊引導
承祭陪祭官衣公服就位行三跪九叩首禮舉三獻奠帛奠爵讀祝飲福受胙徹
饌送神行禮如儀望燎焚畢揖退其祭品用玄帛二筐羊一豕一鉶一簋二簋二
籩四豆四

祝文 惟神奠安九土粒食萬邦分五色以表封圻育三農而蕃稼穡忝承守土
肅展明禋時屆仲春敬修祀典庶丸丸松柏鞏磐石於無疆翼翼黍苗佐神倉於

不匱尙 饗

按與社稷壇同日祭者尙有風雲雷雨山川城隍等祀典茲從略

先農壇 按前清雍正四年上諭以耕藉可通臣下欲令守土之臣皆知稼穡之艱
奉文各省州縣於該地方擇東郊潔地照九卿所耕藉田四畝九分之數建先農
壇每歲春奉部頒期致祭儀注祭品視社稷惟帛用素禮畢更衣行耕藉禮印官

乘耒佐雜捧青箱播種各九推農夫終畝耕畢回公廨朝服望闕行三跪九叩首禮以耕藉日期具報

先農壇祭文 惟神肇興稼穡粒我蒸民頌思文之德克配彼天念率育之功常陳時夏茲當東作咸服先疇洪惟九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恆沭於神庥庶幾九穗雙歧上瑞頌書於大有

八蜡神 八蜡神位附立於先農壇內自清雍正六年奉文始每歲季冬上戊日致祭禮節視先農稍殺焉按八蜡一曰先嗇二曰司嗇三曰農四曰郵表畷五曰貓六曰坊七曰水庸八曰昆蟲張載以昆蟲爲害不當祭易以百種謂百種者五穀之種也明邱濬云夏爲嘉平殷爲清祀周爲大蜡秦謂之臘漢因之按八蜡之昆蟲非祭昆蟲祭神之主昆蟲者也易之誤也又蜡臘雖皆舉於十二月然考之禮本屬二祀俱有明證漢儒合而一之亦誤也

常雩祭

按胡安國春秋傳曰諸侯雩於境內山川禮月令仲夏命有司爲民祈祀

山川百源乃命百縣雩祀陳澠曰雩者吁嗟其聲以求雨之祭清乾隆七年奉文
每歲初夏在先農壇行禮儀注物品視社稷

祝文

恭膺詔命撫育羣黎仰體彤庭保赤之誠勤農勸稼俯懷蔀屋資生之本

力穡服田令甲爰頒肅舉祈年之典惟寅將事用申守土之忱黍稷惟馨尙冀明
昭之受賜來牟率育庶俾豐裕於蓋藏尙 饗

邑厲壇

按祭法王立七祀有泰厲諸侯五祀有公厲大夫三祀有族厲文士喪禮

疾病禱於厲鄭氏謂漢時民家皆秋祀厲明洪武三年上以兵革之餘死無後者
其靈無所依命議舉其禮禮官奏春秋傳曰鬼有所歸乃不爲厲古者七祀於前
代帝王公卿大夫之無後者皆致其祭豈無所爲而然哉後世以爲涉於淫詔遂
不舉行而無依之鬼乃附士民爲禍福以邀享祀蓋無足怪今欲舉其祀宜於京
都王國各府州縣及里社皆祭之使災厲不作是亦爲民除害之一端也上然之

京師謂之泰厲王國謂之國厲府州謂之郡厲縣謂之邑厲民間謂之鄉厲著爲定式至今因之

每歲清明日七月望日十月朔日致祭先期承祭官告於城隍廟屆期迎城隍之神出至壇所列邑中無祀鬼神於側祭品羊三豕三飲米三香燭酒楮皆具行二跪六叩首禮

祭文

時值陽和節屆清明野原荒塚醮祭類臨憐爾孤魂斬祀無人具我酒饌潔我粢盛來飲來食無犯無驚

清明日

律叶夷則風露淒其凡民有主祭祀以時惟爾孤魂飄蕩無依我將我奠飲斯食斯共爲靈鬼衛我郊圻

七月望日

月維孟冬北風其涼凜凜霜雪黯黯郊荒憐爾孤魂依附無方我將我奠來飲來嘗逍遙境內永獲厥祥

十月朔日

文昌宮 史記天官書謂斗魁戴筐六星爲文昌宮將相祿命屬焉漢儒以爲即周禮六宗之司中然則文昌爲天神其陰鷺下民弼成文教乃其職也前清列入祀典及咸豐四年奉旨列入中祀與武廟等典至隆矣民國以來戎馬倉皇文昌祀禮久付闕如茲猶附各祀典之後者存古禮也按文昌閣在城東里許今已漸就傾圮矣祭文昌帝君廟之一切禮節祭品並同武廟

春秋二祭祝文 維神道闡苞符性敦孝友並行並育德侔天地以同流乃聖乃神教炳日星而大顯仰鑒觀之有赫示明德之惟馨茲當仲秋用昭時享惟祈歆格克鑒精虔尙 饗

二月初三日誕辰祝文 維神功參橐籥撰合乾坤溯誕降之靈辰三台紀瑞度中和之令節九宇承暉若日月之有光明闡大文於孝友如天地無不覆載感至治於馨香爰舉上儀敬陳芳薦精禋罔斃 神鑒式臨尙 饗

鄉儀

讀法之儀 按周官州長黨正族師月吉各率其屬以讀邦法而書其孝友任卹以待大比是讀法與賓興相爲表裏也嗣是代有約法如唐之令式明之大誥歲時月吉皆講讀如儀前清聖諭十六條每月朔望印官朝服率僚屬紳士耆約軍民等集公所望闕行禮講生登臺宣講舉行禮而退

賓興之儀 周官大司徒以鄉三物教萬民而賓興之三年大比與賢舉能由來尙矣漢唐以來所謂有司駕勸官旌其廬儀亦不一明制鄉會試有司資給燕餞有差制科定子午卯酉年檢諸生在錄者縣尹擇七月吉日延赴鹿鳴預晏酒三行花紅鼓樂引導親送之城外優給資斧其捷者布政司樹旗匾旌其廬辰戌丑未年舉人計偕於藩庫領銀給資餞送如儀武生赴鷹揚預晏武舉入京亦如之其新進生員上學縣尹撰吉傳集公堂簪花飲酒訖朝服親引諸生詣

至聖前行 三跪九叩首禮畢至明倫堂與兩學交拜然後諸生謁師執弟子禮鄉飲之儀 記曰鄉飲酒之禮廢則爭鬥之獄繁矣儀禮所記惟鄉飲之禮達於庶

人自周以來損益不時明洪武五年詔禮官定鄉飲頒行學校前清因之爲定制
歲正月望十月朔於明倫堂行禮印官爲主者年致仕官爲大賓擇齒德俱優者
爲僎賓爲介賓爲三賓其餘衆賓無數以教官爲司正以老成生員贊禮讀律先
期設賓席於堂北稍西南面主席於阼階上西面介席於西階上東面僎賓席於
賓東三賓席於賓西俱南面衆賓六十以上者席於西序僚佐席於東序衆賓五
十以上者位堂下西階之西當序俱北上司正及讀律者位堂下阼階南北面西
上主之贊者位阼階東西面北上設主及僚佐次於東廊賓介及衆賓次於庠門
之外僎次亦在門外設酒樽於堂上東南隅加勺鬯用葛巾爵洗於阼階下東南
簋一於洗西實以爵觶盥洗在爵洗東設桌案於堂上下各席位前陳豆於上六
十者三豆七十者四八十者五九十者六堂下者二主人豆數如賓實以菹醢至
期主人率僚屬司正先至乃使速賓賓至主人率僚屬出迎於門外主西面賓以
下皆東面三揖三讓而後升堂相向再拜就座贊禮唱司正揚觶司正詣盥洗位

盥洗訖詣爵洗位取觶洗訖升自西階詣樽所酌酒進兩楹之間北面在坐者咸立司正揖賓僕以下俱揖司正舉觶言曰恭維朝廷率由舊章敦崇禮教舉行鄉飲非爲飲食凡我長幼各相勸勉爲臣竭忠爲子盡孝長幼有序兄弟恭內睦宗族外和鄉里無或廢墜以忝所生讀訖贊禮唱司正飲酒飲畢交揖如初司正復位皆坐贊禮唱讀律令執事舉律令案於堂中賓主皆立讀者詣案前北面讀曰鄉飲酒禮序長幼論賢良別姦頑異罪人其座席間年高有德者居上高年淳篤者並之以次序齒而列其有曾違條犯法之人不許干與良善之席主者若不分別致使貴賤混淆察知或發覺以違制論奸頑紊亂正席者全家移出化外讀畢交揖復位贊禮唱供饌執事者舉饌案至賓前以次舉訖復唱獻賓主降詣盥詣篚洗爵酌酒至賓前稍却兩拜賓答拜又詣僕前亦如之主人就坐贊禮唱賓酬酒賓起僕從之降階洗爵酌獻如前儀皆坐執事者於介以下及衆賓以次酌酒訖贊禮唱飲酒工入升歌鼓瑟歌鹿鳴飲酒供湯歌四牡及皇皇者華俱飲酒

供湯笙奏南陔白華華黍歌魚麗奏由庚歌嘉魚奏崇邱歌南山奏由儀於是台樂奏關雎合鵲巢奏葛覃合采蘩奏卷耳合采蘋飲訖徹饌在坐者皆興主僚屬居東賓僕以下居西皆再拜贊禮唱送賓以次下堂分東西行仍三揖出庠門而退

迎春之儀 迎春祭太皞勾芒於東郊見月令後此土牛率事因之立春先一日縣正朝服率僚屬至東郊外祭芒神行兩拜禮迎春入城赴各衙報春訖仍至正官儀門外甬左土牛南向芒神西向各官公宴散次日黎明各官朝服陳設酒饌祀芒神行三獻禮讀祝畢各官執綵仗向土牛立長官擊鼓三衆鼓齊作各官繞土牛三匝環擊之乃退鄉民取以占年

角耳尾支色爲頭納晉色爲蹄明仍宋法清因之

按宋景祐間頒土牛經於天下以歲之干色爲首支色爲身納晉色爲腹立春日干色爲

祈禱之儀 禹以五政省愆湯以六事致禱降及司牧蝗可啖身可焚凡以爲民請也歲有潦旱蝗疫印官誠心祈禱先期齋戒設壇屆辰素服步行或捧香撤蓋或

免冠躡躡或散髮徒跣赴壇所行禮讀祝僧道各班開壇誦經早晚二次詣叩
禁屠酤停刑仗旱以雨日止雨以霽日止蝗疫以漸蘇日止撤壇酬神開禁

閱武之儀 蒐牧天之刑神旌門祭蠹校武以應之州縣仿焉霜降前三日巡捕官
率馬捕快及民壯演操至期印官率僚屬至教場祭旗蠹神巡捕官督操如制行

賞罰

論曰嘗讀清太學志穆然於祀孔之典至為美備功令既垂自非一州一縣所得而
私而前志願詳著於篇其用意抑何深遠也夫禮樂隨時轉移孔子當周之中葉獨
致慨於夏殷之禮之無徵夫豈必行於異代之後哉因革損益文獻攸關幸其未至
散佚而網羅之此易易事耳是篇所載豈惟祀典異宜自鄉飲酒以下諸儀在晚清
亦皆視為具文然安敢以具文而忽之哉

鍾祥縣志卷之十一

司法



吾國夙崇禮治易禮治爲法治萌芽於前清之季至民元後一脫舊日桎梏純從法治駸駸焉將與歐美比隆矣蓋自環海既通交涉日繁國體各殊習慣難一識時之彥研究國際各法因而影響於社會人民有非往時道德所能維持者由是民刑諸法律生焉此皆自然之趨勢非可以人力爭也獨慨廿餘年來時局倣擾法隨人異所有條教章制迄難畫一就其興革所在擇要而錄亦未易折衷於一是姑舉司法制度與監獄之所以亟圖改良者附以訟費數目略著於篇俾覽者得以知其梗概云

司法制度

前清知縣兼理訴訟凡判案均採用大清律民元改用三審四級制特設地方審判廳及初級審判廳刑事援用暫行新刑律民事援用民律草案并參以地方習慣

三年兩廳撤廢就知事行政公署設承審員辦理司法事宜仍受知事監督至十七年又復分立設司法公署由司法委員專管民刑訴訟不受行政牽制廿一年撤銷司法公署復就縣政府內設承審員管理訴訟事宜仍受縣長節制

監獄

吾縣監獄在舊縣署儀門外管獄人員大半以敲詐爲能事在獄人犯往往不斃於公法而死於私刑此專制時代之通弊吾縣殆若有甚者民元以後注重人道教養兼施凡衣食宜如何籌撥疾病宜如何預防醫藥宜如何預設與夫分工作業之宜如何督促明令所頒具載司法公報視專制時代蓋已判若天淵矣顧廿餘年來越獄之事不絕於書或遂疑管理之不宜過寬然揆厥由來均因匪患猝生防不及防而所謂改良者亦未盡見施行也茲錄某管獄員條呈辦法亦可以覘近日監獄狀況矣

附二十年管獄員李占春呈擬辦法十條

一更換看守惡劣人役另選明黨義有學識者充之每月照定額給薪不准需索人犯分文

一革除牢頭代表名目一律平等待遇

一設法改良監獄開窗戶設高鋪開工廠製器具以利囚徒

一人犯給養每日一粥一飯油鹽菜蔬悉按規定一角之數扣算發足夏給扇席冬給棉衣

一注意衛生

一籌備醫藥

一兼施教誨

一設廠造米俾價廉米豐囚徒得飽

一接見照規

一保管囚人携帶之財物絕不吞沒

訟費 按各級法院各法署徵收訴訟費用時有變更茲就本省現在各縣徵收數目分錄如左

甲 審判費

訴訟標的金額或價額

第一審徵數

一 十元未滿

四角五分

二 十元以上二十元未滿

九角

三 二十五元以上五十元未滿

二元二角五分

四 五十元以上七十五元未滿

三元三角

五 七十五元以上百元未滿

四元五角

六 百元以上二百元未滿

九元

七 二百元以上三百元未滿

十二元

八 三百元以上四百元未滿

十五元

九 四百元以上五百元未滿

十八元

十	五百元以上六百元未滿	二十一元
十一	六百元以上七百元未滿	二十四元
十二	七百元以上八百元未滿	二十七元
十三	八百元以上九百元未滿	三十元
十四	九百元以上千元未滿	三十三元
十五	千元以上二千元未滿	三十七元五角
十六	二千元以上四千元未滿	四十八元
十七	四千元以上六千元未滿	六十三元
十八	六千元以上八千元未滿	八十二元五角
十九	八千元以上萬元以下	一百零五元
二十	逾萬元者每千元加收四元五角不滿千元者亦按千元計算	

訴訟標的之金額或價額係以銀計算者應以七錢折合洋一元以錢涉收并應一照市價折合洋元征收以外國貨幣計算者亦按市價折合為洋元征收并應一

律征收現洋現洋缺乏地方以銅元繳納者仍按現洋市價折合
民事非因財產權涉訟案件應照百元以下之數征收審判費

本訴與反訴之訴訟標的相同者反訴不另征收審判費
於案件發回更審後再行上訴者仍按級征收審判費

民事再審之訴應按審級分別征收審判費
民事抗告或再抗告聲請回復原狀聲請假扣押或假處分聲請除權判決收審判

費一元五角
前項以外之民事聲請或聲明收審判費七角五分但聲請訴訟救助者免予征收

再關於律師聲請聲明仍照鄂省從前呈准原案征收洋五角暫不加徵

乙 執行費

民事強制執行依執行標的之拍賣金額按左列等差征收執行費

一 二十五元未滿 四角五分

二 二十五元以上五十元未滿 七角五分

三 五十元以上百元未滿 一元五角

四 百元以上二百五十元未滿 二元七角

五 二百五十元以上五百元未滿 三元七角五分

六 五百元以上千元未滿

五元二角五分

七 逾千元者每千元加收二元二角五分不滿千元者亦按千元計算

執行標的不經拍賣者依其金額或價額按照前項所定等差征收十分之五

丙 送達費

民事送達判詞傳票及其他關於訴訟之文書送達費每件征收一角五分但送達在十里外者每五里加收七分五厘不能於一日內往返者每日另收食宿費五角并收舟車實費由郵局送達者依實數計算

丁 抄錄費

抄錄費每百字征收一角五分不滿百字者亦按百字計算

戊 繙譯費

繙譯費每百字征收二角至四角由法院酌定之不滿百字者亦按百字計算

己 證人鑑定人通譯到庭費

證人到庭費每次五角鑑定人及通譯到庭費每次五角以上五元以下由法院酌定證人鑑定人及通譯因就訊滯留一日以上者證人每日給以滯留費五角鑑定人及通譯每日五角以上五元以下由法院酌定其在途一切旅費按實數計算

庚 登載官報新聞紙類

依其定價計算

辛 狀紙費

民事狀紙每套收洋六角

刑事狀紙每套收洋三角

壬 繕狀費

繕寫狀詞每百字征收繕狀費一角不滿百字者仍以百字計算抄錄附件亦同論曰司馬遷叙酷吏傳援孔子政刑德禮之說及老氏所謂法令滋章盜賊多有謂

法令者治之具而非制治清濁之源識者踴爲通論然未可施於今日也蓋今日既號稱法治爲吏者但負執行法律之責果法制修明上與下咸曉然於法之所在彼執行者亦惟循循法律爲人民幸福是圖否則人民將執法以繩其後酷云乎哉

實業

左氏稱衛文中興在務財訓農通商惠工敬教勸學授方任能足徵實業與教育爲富強之基礎關係民生至爲重要前志於教育頗詳而實業缺如殆亦風氣未開使然自清季變法立部設學專司提倡民國繼之廿餘年來雖因時局俶擾農工商各門無成效可觀然審世界之趨勢圖生存之競爭其事實亦不無可紀茲分農業商業工業各目而以校會場所設立於政府或發起於人民者冠於篇首標曰實業機關依次叙述俾留心斯途者得有所採擇或亦利用厚生之一助云

實業機關

課桑園在府署左孟亭前清光緒二十八年知府彭覺先所立時鄂督張之洞輸桑

苗各縣并頒種植等法覺先推行之就地闢園種桑成林聽民採取負郭人民蒙其利者十數年

農業初等小學堂清宣統二年知縣龍廣言所立內設蠶業專科令學生分組担任

採桑育蠶繅絲等事三年知府桂蔭益加督率成效頗著

按廣言嘗著勸農小識分養魚栽麻植茶種桐

種棕種杉等篇於種養法及所獲效果言之頗詳因限於篇幅不具錄桂蔭勸令鄉民多栽樹木負郭一帶彌望葱蘢皆守令之最關心實業者

工業初等小學堂清宣統二年知縣龍廣言所立內設染織等科學生畢業後有開

織布公司者

商會清宣統二年照章組織成立公推商董執行會務遞轉呈報農工商部立案

以上係前清提倡實業各機關

籌辦森林事務所民國四年貢生王炳陽奉令就魁星閣設立同時縣北馬頭寨赫望寨成立分所二處確收成效

農業講習所六年奉襄陽道令就文昌閣設立一年畢業成績優者得爲技術員十

五年停

乙種農業學校校外實習場八年設於鳳山每年苗木分送各團體栽植至十年存餘不可移植之油桐木子扁柏等樹有二萬餘株

森茂林場八年省議員鄧爲霖集資倡辦於顯陵紫禁城外面積約四百餘畝植樹二萬餘株十六年臨時農務協會成立恣意砍伐遂廢爲荒圃矣

苗圃十一年奉實業廳令設立在魁閣者爲第一苗圃在倉屋曠地者爲第二苗圃在都司衙署者爲第三苗圃十二年又奉廳令歸併辦理飭停第一苗圃將第二苗圃改爲縣立苗圃第一區第三苗圃改爲第二區十六年革命軍至無形停止十九年奉農鑛廳令恢復即將城內劃爲第一苗圃城外劃爲第二苗圃合計面積七十餘畝二十三年建設廳長李某考查至縣諭將苗圃移至顯陵二十四年始就鄧爲霖所辦之森茂林場舊址重行開闢想不日可以發展矣

第二棉業試驗場十一年奉實業廳令就城內察院設立十五年停

乙種農業學校十三年升爲初中甫畢業一班時局變動遂停

臨時農民協進會十六年由縣黨部指導成立城鄉殆遍嗣以黨見紛歧無形解散
縣農會二十年六月依法成立設立幹事長一人副幹事長一人幹事三人辦理會
務

棉業試驗場二十二年奉實業廳令於長壽店團蓬寺設立二十三年停

職業學校二十三年縣長嚴祥雯呈教育廳開辦當招學生一班越年增招一班

農村建設協進分會二十四年成立設主幹事一人理事五人監事一人辦理會務
次第成立支會六

以上係民國以來提倡農業各機關

商會會長制民國二年呈農商部立案每二年改選一次至十七年廢會長制改爲
執行委員制并設監察委員十八年依國府暫行整理條例改組十九年依國府
商會法及同業公會法改組二十年依縣黨部令改組其組織內容即由各業代

表選出執行委員十三人監察委員五人再互選常務委員三人及公推主席一人二十二年改選一次

附同業公會

正頭業	染坊業	糧行業	木業	零酒業	京雜業	棹坊業	廣貨業
鐵業	銀樓業	雜貨業	中藥業	西藥業	衣業	絲烟業	土布業
文具業	紙烟業	特業	煤油業	河水業	捲烟業	槽房業	棉業
蛋業	磁業	油業					

百口商務會民國七年成立呈報農商部立案

石牌商務會民國十七年成立組織方法與百口同

以上係民國以來提倡商業各機關其關於工業應行提倡者尙無機關可言凡以吾縣向無特別工廠各項工人散處四方未易團結然觀前列同業工會如染坊槽坊棹坊銀業衣業鐵業及各烟業與土布諸公會皆係工業性質觀其組織

完密當可爲將來擴充公會之基礎也

按三代而上禹稷飢溺由已伊尹以一夫失所爲辜蓋皆注重民生欲人人各安其居各樂其業也共和肇造主權在民凡人民之所以自謀與國家代爲人民謀者觀上列各機關其欲人人安居樂業視三代亦何多讓而廿餘年來國難頻仍致農無可耕之田商無可集之市凡百工人終歲風鶴而不得一試其技此豈盡謀之不臧哉然而思患預防或大難猝至卒能轉危爲安者農工團體雖無甚可紀而得力於商會者頗多蓋捍患禦災匪財莫濟商既有會籌款較易十八年豫匪東竄商會既出鉅資以止其亂越歲鍾自超率巨寇入犯又能激勵民團以保危城至歷屆軍隊駐防與過境者器械糧秣大半取給商會而商會悉索敵賦以固軍心俾彌禍於無形者其功蓋尤鉅也向令世際承平得各機關以爲提倡所謂農以生之工以成之商以貿遷有無化居又何難遽覩其盛哉

農業

全縣田畝按舊志所載共二萬一千四百六十五頃零其稅則有官屯民楚福之分輕重頗不一致乃者整理田賦委員會分田爲上中下三則就田問賦其總額雖浮於舊然經界既正賦稅斯均尙可免畸輕畸重之弊其詳具見食貨篇茲不贅

縣境三面環山漢水中出地理上山多於水故山田占三分之二河田占三分之一山田產稻河田產麥其他副產物有粟梁黍稷菽蔬苧薺蕎麥豆瓜脂麻棉麻等類就中棉麻產額最富列爲出口生貨之一

山田以栽種爲急務河田以鋤草爲急務皆有一定時節如曰茨花香下早秧曰小滿節家家都請栽秧客曰芒種打火夜插秧此山田不可或失之時也曰一伏芝麻二伏豆曰處暑蕎麥白露菜曰七月半窖早蒜此河田不可或失之時也又曰麥到立夏死穀到處暑黃收割之時尤爲急務

按三時務農古有明訓但信古過深亦足害事民國十七年亢旱經

年至十八年芒種後陡降大雨予以下秧之議通告鄉人無應之者予立排衆議下秧越十二日秧成僱工栽之嗤笑書賦者不絕於耳迨秋老谷熟無異豐年鄉人追

悔已無及矣爰記於此以爲泥守古訓者勸編者附識

農田必資水利水利約分數類有天然之水利有天然而必濟以人力之水利有人力之水利縣濱漢漢於農田害多利少別具專篇漢東有敖水枝水漢西有竹陂河利河皆入於漢當未入漢時凡所經過灌溉田畝無算沿岸或設紙廠或設香餅廠壓花機厥利甚宏又不徒有裨於農田也此外若一區長河三區黃家集四區胡都畝五區長壽店六區大泉畝湯泉七區李家壩八區白龍洞栗溪九區九頭港傅家冲五龍泉等處或土沃泉多或岡陵起伏難以澗谷皆所謂天然之水利也然依山引泉就冲作壩大半須濟以人力其可考者一區千工壩五區千工壩八區黃馬聞九區劉家聞皆土人所築至道光中丁孝廉文智築銅獅口閘灌田甚多其尤著者也所謂天然而必濟以人力也至於千疇曠野無泉可引非開塘築堰儲水平時遇亢旱即束手無策此則水利之純資人力也

田租亦有山河之分山田每年收穀租一次年豐每畝一石大約以四六分爲率即

租谷占十分之四也河田年收兩季上季麥租下季雜糧及棉麻等租佃農無力畜牛用田主之牛耕作名曰分種其法以平分爲標準此其大較也就中各有積弊山田取租歲豐以一石爲額發佃之田間有不足一畝面積而假名一畝者湖鄉田主注意不在收租而在帮工每戶佃田不過三五畝而田主自種者多至數十百畝率由佃戶助耕此佃農之受制於田主也若夫售田自耕與田易數姓而耕未易人者則田主又恒爲佃農所制幸際承平佃農不過蒙蔽欺飾藉圖拖延比歲乃公然把持甚或恃土匪作護符致田主不敢過問卒之田主既失所有權爲佃農者亦往往因匪亂而不能自安耕鑿紛紛遷徙田荒不治環境之內萑苻滿野蓬蒿沒人司計政者雖以國賦攸關力事誅求然而精髓既竭吸吮徒勞觀於鼎革以還田賦雖未遽增而附加於田賦者名目紛煩其數目且逾數倍而收入反減於前上與下交敝蓋未有甚於今日者也

蠶桑

蠶以桑爲主清光緒中知縣劉秉彝浙產也嘗取浙人植桑之法曉示鄉農惜未推行嗣知府彭覺先闢課桑園風氣漸開民初顯陵牆內曾種桑數千株居民取以飼蠶獲利頗厚逮鄧爲霖開辦林場種桑益多十一年實業廳頒桑苗二萬五千株分發栽種遠近聞風者遂爭以蠶桑爲事其成效亦約略可言矣

麗山陽舒清麗等區向多植桑十一年領實業廳所頒桑苗益廣種植彌望葱龍繅絲之法亦逐漸改良每新絲出暢行上下有南陽莊沔陽莊之稱嗣因豫匪肆擾南陽裹足運至當陽河溶沔商爭購取之轉漢出售爲出口之良品

西山乾溝一帶每年每家可出絲十餘斤

東山客店坡一帶有村落處即有桑數株家家飼蠶產絲雖未成莊亦農家之餘潤也

周家集張家集爲東北鄉較大之集市每當夏初雪油榨主挾資赴集收買新絲有至千餘斤者但質粗色暗只合做線之用雖下運漢口上運樊城均無大利可圖

漁業

業漁者不必盡出於農然耕作之餘借漁謀生或以農附漁或以漁附農往往足以自給吾縣漁戶以利河口直河邢公祠塘港爲最多以數處水曲水曲魚必停也然營業發達則推利河口利河口至沿山頭有兩處大網橫截水中魚經其處脫漏者鮮每日可獲數百斤

第一區之北門湖笄家湖十區之陳家湖紫家湖鄧家湖周湖台子湖農漁雜處每春夏水漲河水泛溢魚受水力衝激相將入湖舉網相慶頗有豐年之占

山鄉以堰塘爲養魚之淵藪業漁者少惟舊高陽區之王家壩設有臨時漁業歲定十月開壩漁戶羣集自由張網所獲利益與壩主作四六分有均霑之意網分二種一名爬網沉水底兩人張之一名條網浮水面業漁者每於歲暮携網行鄉覓求顧主獲利頗豐云

森林

森林約分三種曰葉樹森林曰菓樹森林曰花樹森林皆須因地之宜以種植之石多之地宜葉樹土多之地宜菓樹花樹則土石皆宜幾不擇地而生縣故產楠木春秋時已著名餘如葉樹菓樹花樹之類亦環山皆是其成林者有天然與人力之分取其要者紀之

天然林

松柏栗東西山皆多松柏有高數丈大數圍者枝幹勁直堪作棟樑之用其穉小者鄉人於農暇時截枝爲柴分售城市獲利頗豐栗性堅每十年左右燒炭一次銷路尤廣東山炭火力強西山質脆不耐燃燒殆由築窰之巧拙不同有琵琶窰鑊子窰等燒法亦異也現在汽車用炭代油執炭業者倘亦及時改良歟

杉爲叢生之木經冬不凋望之青翠悅目城北青山頭滿山杉苗旋砍旋發頻年樵採而生植如故倘加意保護俾生理遂生機暢亦不難養成大材矣

烏柏樹即楓樹

俗名木子樹多係野生人工種植者恆不結子

生山谷中及田邊雖不成林遍地皆是東山

取水子白皮榨雪油運漢售外商價頗昂其子榨子油作點燈之用一名梓油西山但沿舊法榨爲木油未免自失其利也

右天然林餘如第九區之龍王坡艾家山秦家坑等處面積各有數里大林觀北秀峯寺一帶縱橫且十里又打字碑北入八區之濟陽鄉亦縱橫十餘里果實木材皆有取不盡用不竭之概

人造林

盤石區古炳文手植各色樹木萬餘株俱已成林長吉區邵樹勳之桐山榨油出售濟陽區之桃園豐隆豐亨新豐履豐康樂等區之梅園出產尤爲豐富惟開花時以日暖風和爲宜否則結實無多

東山之柿園西山之梨園較梅園桃園尤爲珍貴蓋梅與桃壽命最短約十年左右即老朽柿與梨可達數十年之久不但結實獲利質堅紋細凡建築及製造器具均可通用

松林寺 縣北百三十里 門首有銀杏四株大數圍排列整齊濃陰四合自遠望之彷彿聳翠

層巒高入雲際蓋亦數百年前人力爲之也

畜牧

畜牧者亦農家所有事吾縣山地崎嶇湖鄉頻遭水患本無盛大畜牧之事足紀然牛馬鷄豚犬羊之屬苟屬中農皆力能自備至於就塘儲魚置籠養蜂亦十室而九近雖農村破產徒付空談然爲整興農業計此種副產物亦亟望關心民瘼者注意及之也

山鄉多畜騾因水草不便騾性耐渴食量較小蹄輕便登山如履平地

湖鄉土沃草豐適宜畜馬且多畜牝馬以產駒八閱月出售獲利極速又能代牛耕

田有數利焉

耕牛一項往時所畜黃牛多於水牛因黃牛糞肥田較水牛爲優然水牛力強計日耕作不但超過黃牛且鮮勞病之災故近代畜水牛者又占多數矣

豕以養老兼供賓客祭祀之用家必畜三五頭羊則不必家家皆畜以羊性畏熱病熱即不救且時時需人牧放畜少則不合算故畜羊者必以數十百頭計

鷄鵝鴨同屬家禽鷄則每家必畜多至百十隻少亦在十隻左右鵝鴨只宜濱水之地間有畜羣鴨者三五百隻不等長年游牧逐水而居產卵出售逐日可以獲利諺云喂豬不如喂羊喂羊不如養塘就塘養魚其利不止倍蓰然此猶山鄉也若於水鄉養之漁業之發展不可以道里計惜乎水鄉之民之未盡知也

養蜂釀蜜自然之利東西山谷中頗盛每家至少六八籠多或百籠但籠數太多則自行分去鮮有過百籠者每年取蜜兩次春日菜花蜜秋日菊花蜜於初夏初冬取之運城出售常得重價或小商到門收買收入亦豐

以上皆關於農業者

商業

神農氏日中爲市致天下之民聚天下之貨交易而退各得其所核其實事所致

衆者雖曰天下要不過一地方一國家之商務範圍固不甚廣也其後愈闢愈遠漢唐以互市場威前清以通商示弱盛衰皆基於商市所係顧不重與吾縣南通武漢北接襄樊爲商戰必爭之地顧自禍亂頻仍行旅裹足商已無業可言其乘間運售僥倖以圖一時之利者又往往爲苛捐雜稅所困卒將其固有之資本消耗盡淨無惑乎富商日貧貧商益無立錫之地也雖然今日者商戰之時代而吾縣四通八達實具商場天然之形勢爲地方謀興復計則仍宜自商業始茲就商市次第述之

縣城居全縣中心當江漢之孔道商賈輻輳向來稱盛近雖一蹶不振然交通上實占優勝自民二十一年築汽車路通漢口半日可達果執政得人體卹商艱俾稍有盈餘可圖其發達當可計日而待也

洋梓鎮縣東三十里位於敖水之北由敖水逕直河入漢帆檣上下交通極易
豐樂鎮縣北九十里位於漢東五里水道極利

石牌鎮縣西南五十里位於漢水之西清嘉慶以前距漢二三里道光中屢崩潰逼近鎮旁貿易極盛有小漢口之稱咸豐三年河忽東徙商務稍衰近復西移且築汽車路達荊門接襄沙路交通亦稱便利

白口鎮縣南九十里位於漢東三里舊爲同知駐在地南下岳口一日程即接輪運往時市面繁榮不但爲洋梓豐樂石牌三鎮所弗逮且駕縣城而上之以上縣城及四鎮皆舊日極稱繁盛之商市

商品

出品以穀米爲大宗麻棉^音芝^音麻次之絲與煤又次之其由人力製成者若白口之布東北山之雪油亦暢行於漢口然是數種皆經行戶之手或由造製者自行運售商人鮮有過問者至普通商人則皆運外貨以售本地自日用所需如鹽糖紙以及文具藥材與一切酬應之品而尤以綢緞及洋貨等莊爲巨商所經營往者外商林立如山陝四川福建各會館武郡蘇湖各公所外商以時集會雖與本地商

金 永 集 卷 一 一
十三
人相競爭然外資流通於本地亦繁榮市場之一途廿年以來外商裹足而本地商人亦強半不能支持是可慨也

以上皆關於商業者

工業

記曰百工居肆以成其事肆者即近日所謂工廠也海通以後列邦以工商相競爭通商鉅埠無不設有工廠清光緒之季鄂督張之洞爲抵制外人計嘗立兵工機器織布造船各廠於武漢吾縣人民獨無赴廠肄習者斯亦可慨之至然獨慨前明嘉靖之世諸大建築所需各工本地當不乏其人就令借材異地凡本地之與斯役者當亦耳濡目染各有一長之可名相傳距城里許之窯廠當世宗踐祚後凡宮殿陵寢金碧輝煌極五花八門之鉅觀皆取材斯廠則當日陶工藝術之美可知也至吉金貞石鈎勒維肖迄今得顯陵拓片者無不視爲珍品其石工之精抑又可見矣滄桑迭變術業失傳尙何工業可言然爲提倡將來計姑舉縣境

必需各工以爲改良基礎現在普通狀況蓋不必述矣

縣境夙富煤產所需礦工煤工正多向來開採者只朱家埠內某鑛煤質頗佳徒以開採不盡合法未獲暢行倘於此項工人力加整頓工業發達者此其一

縣境多石城北五十里鐵關山石質赤堅可爲碾白山瀆漢石工鑿碾成舟載上下獲利頗鉅然此粗工也倘石工力求進步善爲雕琢於石質細膩者製成器具所有石工雕工不患謀利無途工業發達者又其一

縣多五色土磚瓦甌甃陶工果善爲之皆可備大建築之用明嘉靖時所遺之窰廠前既述厥梗概矣近有所謂缸窰窰磚瓦窰烏盆窰釉罐窰者率皆粗品亦多客籍人爲之倘善爲提倡則陶工又發達之一也

銅鐵工人勞力甚大獲利亦厚縣人有營鍋廠鑄廠者所用工人多來自黃孝甚至鍋已鑄成販賣者本縣人亦少爲之倘善爲提倡則冶工又發達之一也

麻棉絲皆縣境最著之產品近自機器發達向之習手工者率賴是以維持生活倘

集公司多購機器俾壓花縫衣織襪及紡紗織布等各以機器爲之所需人功雖少所用工人必衆則又發達之一也

麥草質嫩紋細製帽最宜往有宋名泉者督工製造銷路頗旺清末賽會南洋曾獲獎品倘於此重爲提倡設一草帽公司則又發達之一也

以上皆關於工業者

論曰農工商三者古與士合稱爲四民也士食於人農工商則資以食人者而士獨居四民之首凡以農工商之各勞其力皆賴士有以提倡之也迺者四方多故農工商既先後破產而士亦幾無覓食之所天方薦瘥喪亂弘多謂之何哉然而無平不陂無往不復果欲轉亂爲治則農工商三者仍賴士有以提倡之况古所謂士者半尙空談近自實業立有專門士皆從事斯三者則士其名而農工商其實其提倡蓋尤易爲力也詩曰維桑與梓必恭敬止敢於吾縣之士卜之也

東序從祀位十二籩豆案三每案四位統設俎香案各一均西嚮

西序從祀位十二籩豆案三每案四位統設俎香案各一均東嚮兩旁各設饌桌一東

西嚮凡桌案均施紅桌衣立瘞坎於

神位西北

供張既備執事官大禮服敬書祝版用白紙黑書潔室安奉遂詣宰牲所省牲既宰宰

人以鸞刀割牲遂戒具視滌漑辨籩豆簠簋之實以次展於饌所將事之夕夜半

執事官率屬入具器陳

正位籩豆案上各爵墊一其前各登一實以太羹鉶二實以和羹簠二實以稻梁簋二實以黍稷籩十

實以形鹽葵魚棗栗榛豆十實以非菹醢醢菁菹鹿醢芹統設俎實牛一羊一豕

一香案上設鑪一燭臺二

兩序從祀位每案爵墊一爵三實以酒鉶一實以和羹簠一實以黍簋一實以稷籩四實以形鹽

棗栗豆四實以菁菹鹿醢鑪二東西統設俎各實羊一豕一香案上各設爵墊一鑪

一燭臺二帛二尊正位東爵六正位東序設東尊桌接桌上帛二正位東序尊二正位東序

爵六正位西序爵六正位西序設西尊桌接桌上正位西序冪勺具蜃器一實祴設祴桌上凡帛皆

白色設洗於幄次之外司樂設樂懸於殿外階上罇鐘一特磬一編鐘十有六編

磬十有六琴一瑟四簫四篴四排簫二塤二笙四建鼓一搏拊二祝一敔一

千戚三十有六麾一旌二東西分列如儀

陳設畢執事官引陪祭一人入廟周省盥盛及遷豆登劔之實如儀

正祭日屆時正獻以下皆具祭服集致齋所正獻盥手閱祝版署名訖司祝近奉

於祝案俟鼓三嚴贊引引正獻入武成門左門分贊引分獻傳贊引與祭員隨入

典儀贊樂舞生就位執事員各司其事贊獻官就位正獻分獻及與祭員各就拜

位北向立贊迎

神司樂贊舉迎

神樂奏建和之章贊引贊再拜傳贊贊衆官皆拜正獻分獻及與祭員皆行再拜禮